

# O A TSOTELLA.

## A NA U A TSOTELLA?

Kea leboha, Moena. Ha re tsoe re sa eme joale nakoana joale thapelang. Joale e re lihlooho tsa rōna li sa inamisisoee, ana e teng tlhoko e ka hlahisoang, kapa ea tsebisoo ka ho phahamisa letsoho la hao, ha u ka phahamisa letsoho la hao feela, hantle, hopola kopo ea hao feela joale.

2 Ntata rōna oa Lehолимо, re boela re U atamela, ka likopo tsena tse...ba phahamiselitse matsoho a bona sebakeng. 'Me hoseng hona ba hloka, Morena, lintho tse ngata. Uena u tseba mohopolo oa bona pelong ea bona, kaha U le Lentsoe, 'me Lentsoe ke Mosenoli oa mehopolo le oa merero ea pelo. 'Me kea U rapela, Molimo Ramehauhelo ea Phahameng, U tle u arabele e 'ngoe le e 'ngoe ho ea ka lithoko tsa bona, re ntse re tseba sena, hore U tla phethisa ho latela tumelo ea bona. Re abele tumelo re sa bolela Lentsoe la Hao ke hona, Morena, Le ba tlisetse tumelo. Nthuse ho bua Lentsoe la Hao, hoba Lentsoe la Hao ke 'Nete, Le tle le hlahise tumelo ea ho arabela lithoko tsena. 'Me ba bang ba teng mona mohlomong, Morena, ba khelohileng tsela e tsesane eo, ba sa tsamaeeng ka 'Nete ea tsela. Rea rapela, Ntate, ho etsoe ho hong kajeno, 'me se tsebisoe, ba tle ba khutlele tseleng eo ea bolekane hape le Kreste ka potlako. Matsatsi a ntse a feta, bokhopo bo ka nq'a tsohle, koeneho e kholo. 'Me rea rapela, Ntate, U tle u Itsebise rōna kajeno, ka ho folisa bakuli har'a rōna, ho etsa mehlolo. Ha se tlameho ea Hao ho e etsa, Morena, ho re tsebisa hore U Molimo, empa ka hobane U tsepisitse ho e etsa. 'Me rea tseba U tla re abela litsepiso tsa Hao hola re ka li lumela le ho tseba hobane li nepahetse. Re kopa litshitso tsena ka Lebitso la Jesu Kreste. Amen. (Le ka lula fatše.)

3 Ke ne ke ipha nakoana ho bala likopo tse ling tse robetseng mona, tse peli kapa tse tharo, e 'ngoe ke kopo ea thapelo. Ehlide, mona ho robetse lisakatuku tse ngata tse re ka thabelang ho—ho li rapella nakoaneng feela, ha re utloa Boteng ba Moea o Halalelang bo—bo fihletse sehlohlolo sa Oona. Ke hona mohla ke lekang ho rapella tsena, ha phutheho eohle, bohole ba tlolisoek a Boteng ba Hae.

4 Phepi haholo ho—ho hlopha, ho fumana bongata bo emeng, sebaka sa ho lula se le sieo. 'Me—'me mona ke mohla letsatsi le chesang le tiile, re fumana mongobo oa liphesente tse lekholo le digarata tse ka bang lekholo, ka hona ke mocheso o qamachelang.

5 'Me hoseng hona ke ho beetse litšebeletso tsa pholiso, kapa hase... Lebaka leo ke e etsang tšebeletso ea "pholiso", hobane

ke tšetleha tumelo ea ka ho seo A se tšepisitseng. Ua bona? Joale, ha ke re U tla etsa hoo, empa kea lumela ka mor'a ho utloa Lentsoe la Hae le ho tšetleha tumelo ea rōna holim'a seo A se tšepisitseng, re ka ba le tokelo ho tseka lipallo tsa Hae tsa pholiso, joaleka ha re etsa ka lipallo tsa Hae tsa pholoso.

<sup>6</sup> Likopo tse 'maloa tsena. Ha ke tsebe na hlophositse lihatasi bakeng sa sena, kapa che. Se ka ba molemo. Be, kea kholoa ho itoketse ho ba kantle, ho bohle ho utloa sena, ke kopo.

**Ana u no u porofeta ha u re manegro a—a milione a tla shoa mono...kapa u ne u mpa u re sena se tla etsahala?**

<sup>7</sup> Joale, ua bona, esale ke le kopa ho ela hloko seo le se mamelang. Ua bona? Boholo ba eona ke tšekamelo ea botho feela. Empa ka tloaelo ntho ha e hlaha, ho tla thoe, "Ke HO RIALO MORENA," esita le lipono kapa eng feela. Lipono tse holim'a kalana, har'a letšoelle, ke lona le li hlahisang; hase Molimo, ke lona. Ua bona? Hase Molimo o hlahisang pono eo, ke lona le e hlahisang, ka tumelo ea lona neong e Khethelhileng.

<sup>8</sup> Joaloka mosali ea amileng seaparo sa Hae, o ne A sa mo tsebe kapa bothata ba hae, empa o iketselitse hoo. Ua bona? Joale, hoo e ne e se HO RIALO MORENA. E ne e le HO RIALO MORENA ha Jesu a boela a bua 'me a 'molella tumelo ea hae e mo folisitse. Empa, ua bona, u tlameha ho sheba.

<sup>9</sup> Che, ke ne mpa ke bua ka Martin Luther King, malebana le koluoahali ena eo ba e tšoereng Boroa, ka—ka batho ba 'mala. Ke itse, "Holané batho bao e le makhoba, ke ne ke tla ea boroa le kereke ea ka ho thusa batho bao bokhobeng." Ehlide bo, hoba batho ba etsa makhoba, e seng Molimo. Bohle re mali a le mang. Bohle re tsoa sefateng se le seng, 'me mono ke ho Adama. Molimo, ka mali a le mang, o bopile lichaba tsohle. 'Me leha rōna, mebala ea rōna e le mesootho, kapa botšo, kapa bosehla, kapa bofubelu, e ka bang eng, bohle re libopuoa tsa Eamatlaohle, ua bona, 'me ho rōna phapang ha e a tlameha ho ba teng.

<sup>10</sup> Potso tlase mono ke "khethollo ea sekolo." Joale, ke ne ke le teng letsosong la pele, 'me ka e utloa, 'me ke—ke tseba seo ke se buang. Batho ba 'mala likolo tsa bona li ntle, ho feta likolo tse ling ka nako tse ling. 'Me, ho tea mohlala, koana Shreveport ba na le likolo tse ntle ho feta sekolo sa makhoa. Empa ke mohopolo oa motho ea susumetsang ho tloha le ho ea tsoakana. Etsoe, ke nahana ho ka itokela, empa ha feela batho ba e hanetsa, batho bao ba boroa, e etsa phapang efe?

<sup>11</sup> 'Me ke nahana Martin Luther King a sususmetsoa ke Bokomonisi, taba e tla tataisetsa batho ba etsang milione ruri lerabeng la lefu. Ua bona? Ha ke re Morena o mpoleletse. Ke "'na" ea lumelang, ua bona. 'Me ke lumela e sa tlameha ho etsoa. Ke nahana batho eka khona e be Bakreste le ho nkana joaleka baena. 'Me, empa ke nahana kahobane feela . . .

<sup>12</sup> Linaha tse Koapaneng tsena, 'muso oona joale o re nke ke ka tekena cheke ea—ea e...eo ke e filoeng. Ua bona? Ke ho amohuoa litokelo tsa ka, empa nka etsa'ng ka eona? Haese ho tsoelapele feela, ke phetho. Ua bona? 'Me pele 'na moahi oa Linaha tse Kopaneng ke ananya cheke e tlameha ho fetisoa tsamaisong e itseng, e tlameha ho feta ka kereke ena, nke ke ka e ananya. Ua bona? 'Me hoo ha ho a loka. E hanana le molao. Empa ke eng—eng seo nka se etsang? Le letho. Ralekhetho enoa tlase mona ke eena ea itseng nke ke ka etsa joalo, ka hona, be, ke eo. Haeba ho le joalo, e ka ba eng. Ka hona e tlohele feela.

<sup>13</sup> Kea kholoa e tlameha ho tšoana, hore e...baena beso le likhaiseli tsa 'mala Boroa ha ba tlameha ho hlomèla libetsa khahlano le banababo le lintho ka nthoana e kang eo. Khele, phapang ke efe hore na u tsamaea sekolo *kae kapa eng?* Ke bone leleiti le khabane la 'mala hoseng hoo mohla ba ne ba...e le ha ba raositse letsoso mono Shreveport, 'me moruti oa 'mala ea holileng oa leboto a 'na a kopa sesole, a re, "E reng ke bue le bona." E ne e le monna oa morapeli, 'me a ema mono le ho re, "Ha ke eso soabele lebala la ka." A re, "'Mopi oa ka u nkentse seo ke leng sona, 'me ha ke eso se soabele, empa, haese hofihlela hoseng hona." Empa a re, "Ha 'na ke le bona, sechaba sa heso, le itšoere tjena," ho re, "ke itšoabela ke hona ha ke le monna oa 'mala." Eaba ho bitsoa sesole, ba mo tjolietsa ba mo pupetsa.

<sup>14</sup> Ka hona ha ema leleiti lena le khabane, ea balileng, ea motle, ea bohlale, khili, bo tlokomang. A re, "Ntho ea pele, ha ke batle bana ba ka ba rutoa ke mosali oa lekhooa."

Ha thoe, "Hobane'ng?"

<sup>15</sup> Ha thoe, "Kaha a ke ke a tsotella bana ba ka kamoo oa ka...mosuoe oa 'mala a ka etsang." Le ho re, "Shebang likolo tsa rōna mona. Le hloliea ka'ng?" Ho re, "Re na le matangoana a ho sesa le tsohle likolong tsa rōna, 'me bona ha ba na tsona koo." Ho re, "Joale, le hloliea ka'ng lona batho ting?" 'Me eaba ba hlaba litlatse ba mo pupetsa, ua bona.

<sup>16</sup> E susumelitsoe ke ntho e phoso, u a bona, ua bona, bao, batho bao. 'Me ke ka baka leo ke rialong, hase hore ho na le letho—letho la boporfeta ka hono. Ha kea tšoara letho le tsoang ho Morena malebana le eona. 'Me joale le kholisehe, ha ke bua taba e joalo e tsoa ho Morena, ke le bolella, ka mehla ke...Ke 'na ea buang joale. Empa ha ho bua Eena, ke re "Hase 'na, ke HO RIALO MORENA." 'Me nke ke ka e bua pele A mpolella. Ekaba mohopoloo ka o fositse hole ka Martin Luther King. Ha ke tsebe, nke ke ka bolela. Ke mohopoloo ka feela. Sohle se tsosang morusu, se tlamehile joalo matsatsing a qetelo. 'Me sohle se susumelitsoe ke Satane, ho pshatla moruo oa rōna le eng eo re e ruileng, ntho efe e ropohang joalo. Ka baka leo ke emela batho bao tlase mono, le se nahane le ka

mohla ke sa etse joalo. Ke—ke emela tokoloho le sohle, empa ao hase maemo a batho hona joale. Empa seo e tla se etsa, ke kholoa e tla qala letsoso le leng ha motho a sa e thibe. Ua bona, ke Makomonisi a sebetsang har'a batho bao.

<sup>17</sup> Ke ne ke etetse Afrika mohla ba etsang eona ntho eo. Ua bona? 'Me ka tseba Makomonisi a kene mono a ntse a bolella batho bao ba 'mala, "Oh, le *sena, sane*, kapa se *seng*. Le *sena, sane*, kapa se *seng*." 'Me ntho ea pele u a tseba, ha bolaoa likete. 'Me ba fihlile kae? Ha hoa fihloa kae, ua bona, ha hoa fihloa kae.

<sup>18</sup> 'Me ke—ke rata bophelo ba motho. Ha re sebeletseng Morena. 'Muso oa rōna o Holimo; ha o amane le ntho ena mona. Ha feelsa re ejaa, re enoa, re ka fumana, u batla'ng? Ua bona? Ka hona kea tseba ho tla ba joang. Ke—kea elelloa hore e tsosa mathata.

Joale, potso e 'ngoe e teng mona.

**Johanne Mokolobetsi, mohla a kopanang le Jesu, ua bona, hore'ng A itse, "Eka khona re phethe ho loketseng hohle"? E ne e le hore'ng?**

<sup>19</sup> Be, ke hopola Ngk. Roy Davis, e—e—e motsoalle oa ka e moholo, eena ea nkolobelitseng la ho qala ha ke tla kolobetsoa. 'Me o boletse Johanne a na a lekanya, ke sa hopola taba ena sekolong sa bona, o itse, "Johanne o itsebile a eso kolobetsoe, ka bo-eena, ka baka leo eena... Jesu. Johanne o lumeletse Jesu ho mo kolobetsa." Be, hoo, ke—ke hanana le e—e ngaka e kholo mono.

<sup>20</sup> E seng ho pheha khang, empa molemong oa 'Nete nka bua sena. Che, banna ba babeli e ne e le bao, baetapele ba babeli ba hora, Messia le moporofeta oa Hae ba kopane ka metsing. Joale le hopole, Johanne o ne a kolobeletsa e seng tšoarelo ea libe, empa pakong. E seng tšoareleng ea libe, kaha sehlabelo se ne se eso etsoe, ua bona, Sehlabelo se le sieo. 'Me Sehlabelo se tla ho eena ka metsing. Joale lemohang. Johanne ha a lelala 'me a bona Jesu, o itse, "Ke hloka ho kolobetsoa ke Uena. 'Me U tlela'ng ho 'na?"

<sup>21</sup> Jesu a re, "Lumella joalo," etsoe ho ne ho le joalo. "Lumella joalo, hoba rea tlameha, kapa rea lokela, ho phethisa ho loketseng hohle." Eaba Johanne, ka ho ba moporofeta eo Lentsoe la Morena le tlang ho eena, le tla ho moporofeta a inotsi. Johanne, ka ho ba moporofeta, a utloisia eo e ne e le Sehlabelo. 'Me ka Molao, sehlabelo se ne se tlameha ho hlatsua pele se hlahisoa, 'me o Mo kolobelitse ke hona. Ua bona? O itse, "Eka khona re phethe ho loketseng hohle." Sehlabelo, etsoe E ne e le sona, se tšoanelo ho hlatsua letšeng pele se hlahisoa e le sehlabelo. 'Me Jesu e ne e le Sehlabelo; 'me Johanne o tsebile, 'me o tsebile A tlamehile ho hlatsua pele a nyeheloa. 'Me eaba hang ka morao, O hlahisoa ho bohle ho tsekisoa 'me e le Sehlabelo sa bophelo bohle ba motho. Morena a le hlohonolafatse.

<sup>22</sup> Joale re tlil'o tšoara Molaetsa o mokhutšoane, 'me re tšepile Morena a tla re abela mahlohonolo a Hae. Joale, ho ka etsoa, ha nka tšoana ke khutlike . . . Ke tsamaea veke ena ho isa bana phomolong holim'a maralla. 'Me haeba nka—haeba nka khutla ka nako, re batla ho buoa hoseng ha Sontaha se tlang, ha Molimo a lumela le modisa mona. Re tla le tsebisa pejana vekeng ena, lona ba ka ntle ho motse, ka lengolo. Ke batla ho bua ka sehloho lebaka la ho lumela ha rōna lintho tseo re li lumelang ka Kreste, hobaneng e tšoanetse tjena 'me e ke ke ea eba ka tsela esele. Ua bona? Le ho e kholisa ka Mangolo. Joale, ha Morena a ratile. Ha ke sa etse, ke tla leka ho le bona mariha ana kapa lehlabula le tlang, e 'ngoe, mohla re khutlang, ha Morena a ka lieha. Re khutlela joale hae Arizona, re tle re hlahlele bana sekolong.

<sup>23</sup> Joale, hoseng hona, pejana ho thapelo ea bakuli, re tla bala Lentsoe la Molimo nakoana. Etsoe, rea tseba ka ntle ho Lentsoe lena, hasse ntho e ka etsoang, ha ho letho le ka etsoang. 'Me Lentsoe le inotsi le ka hlahisa mahlohonolo ao re a qellang bakuli le ba bahloki. 'Me ke batla ho bala a itseng joale ho tsoa ho Petrose oa Pele, khaolo ea 5, ho qala ka temana ea 1. Le hape Bukeng ea Baheberu, ke batla ho bala Baheberu 2:2-4.

*Ke khotchatsa baholo ba ho lona, 'na ke leng moholo  
le bona, le paki ea hlomoho a Kreste, le ea nang le  
kabelo khanyeng e tlang ho senoloa ke re:*

*Ke re alosang mohlape oa Molimoo ho lona, le o  
lebelle, e seng ka ho qophelloa, e mpe e be ka ho rata;  
e seng ka baka la moruo o mobe, e mpe e be ka ho rata;*

*E seng ka ho busa mehlape ea Molimo ka thata, e  
mpe e be ka ho etsetsa mohlape mehlala.*

*'Me mohla Molisa e moholo a hlahang, le tla nka  
moqhaka oa khanya o sa boleng.*

*Le lona, ba bacha, ipeeng katlase ho baholo. 'Me, le se  
apare . . . 'me le apare bohole boikokobetso, le ntse le ipea  
e mong katlase ho e mong: hobane Molimo o hanela ba  
ikhohomosang, empa o hauhela ba ikokobetsang.*

*. . . le ke le ikokobetse katlasa letsoho le matla la  
Molimo, o tle o le phahamise nakong e tšoanelehang:*

*Lahlelang lipelaelo tsohle tsa lona holim'a oona;  
hobane o a le hlokomela.*

<sup>24</sup> Ho Baheberu, khaolo ea 2, re bala Mantsoe ana. Joale ke hula ho ntša therò, "lahlelang lipelaelo tsa lona." Kea . . . Thero ea ka ke: O A Tsotella. A Na Ü A Tsotella? Ke batla ho bala karoloana ena joale, le sa phetla ho Baheberuz, le tle le bone e—eo seo Mantsoe ana a hlileng a se bolelang, seo oona, seo therò ena e se bolelang.

*Ka baka leo eka khona re ele ka ho fetisisa litaba tseo  
re li utloileng hloko, esebe ra suthela hole le tsona.*

*Hobane ha esitile lentsoe le boletsoeng ke mangeloi a sa—le sa ka la lesa ho tiea, 'me ho tlōla le ho se utloe ha ba ha hlaheloa ke moputso o ho lekanang;*

*Ana re tla phonyoha joang, ha re sa hlokomele poloko e kalo; e neng e qale ho boleloa pele ke Morena, ea ntsoo tiisoa ho rōna ke ba mo utloileng;*

*Ha Molimo o...omela, ka...le bona ka lipontšo le meeka, le liketso...tsé matla, le ka lineo tse abjoang ke Moea o Halalelang, kamoo o ratang kateng?*

<sup>25</sup> Ke batla ho sebelisa sehloho mona, sa, "O a tsotella." 'Me, "Ebe uena na?" Mohla A leng holim'a lefatše mona, O na a tsotella batho. Mohopolo oa eona o mphihlela kelellong pejana ke bua kapa ke rapella bakuli, ha ke tsebe re tla tšoara mola o joang oa e—oa thapelo.

<sup>26</sup> Pele, 'me ho atamela sena, eka khona phutheho e tloloe ka tumelo. Lona, uena ha tumelo e le sieo, ke moo—moo le ho tla rapelloa o sa hlokeng, hobane e tla qosa tumelo ea hao le tumelo ea ka 'moho; tumelo ea ka ho lumela ho Eena, tumelo ea hao ho lumela ho Eena. Ka baka leo re se lebale sena re sa tsoela pele. Re tlameha ho fumana bopaki bo hlakileng, bo pakang, ke bolela, boo re ka tsetlehang tumelo ea rōna holim'a seo re lekang ho se etsa. Ekare motho ha a atamela seo a batlang ho se etsa, a sa rua tumelo e lekaneng, o tlamehile ho hloleha. Empa haeba a ka khona ho se atamela ka tumelo e lekaneng, o tlameha ho atleha haeba e khema le thato ea Molimo le morero hoe etsa.

<sup>27</sup> Joale, ke ne ke nahanne ka tsotello ea Hae. Maobane mantsiboea, le hona, ka na ka tataisoa ka mohlolo, ke Moea o Halalelang. Ke ntse ke emetse mathaka a itseng ho thusa Moena Wood ho hloesa tereilara a e—e teileng kamora teraka ea hae. Ke sa tsebe lebaka la hобaneng ke ne ke leka ho fumana motsoalle oa ka ea lokileng, Moena Evans, mme ka ea, ka nyoloha ka 'mila. Etsoe, mohatsa ka le lelapa le lutseng mono morao mona ba e tseba e le 'nete. 'Me ebile, ka mohlolo, ke khutla ke boela tulong, e le motele.

<sup>28</sup> 'Me, oh, pelo ea ka ea hlasimolloa ha kakang ho bona metsoalle ea ka e khobokane mono nakong ea metsotsa e ka bang mebeli, tselana ea ba ea thibelloa, makoloi a sa khone ho feta, metsoalle ea makhonthe feela, e khanna makholo a limaele, ho tloha Georgia le Tennessee le Alabama, le ka mathoko, feela ho—ho utloa tšebeletso feela. Eaba ke fumana mohopolo oo, "Ebe nka re'ng bathong bao, ho tseba hobane ka Letsatsi la Kahlolo ke tla qosoa ho arabella seo ke ba bolellang sona?" 'Me le 'na ke e—ke morati oa bophelo bo boholo bona bo tlang ho tla, 'me ke—ke batla ho ba teng mono.

<sup>29</sup> 'Me ka mohlolo ka ea tulong eo ke thintseng ka ho sa tloaelehang. Sebakeng sa ho thinya mono, ka nyoloha ho ea ja

mothinya. Mabone a khantsa bathoana ba babeli ba ratehang kantle, mafumahatsana a macha a mabeli a khabane ao ke sa tsoa a nyalisa bareri ba babeli ba bacha ba khabane. 'Me Satane, hoba a bone e—e moreri, e mong tšebetso ea hae e hlomamisoa eaba o khetha e—e molekane oa bophelo hona mona, aletareng ena. Ba tloha ba thabile ba kena haniminung, 'me—'me eaba sera se laqomela mohlankana enoa. 'Me ke bua tjena ho hhalosa seo ke se buang, "Na ebe O a tsotella?" Ka mokhoa o itseng, ka tumelo e sa amoheleng "che," ba thinya ba khutlela koano, ho tseba hobane ba ne ba le koana (bochabela koana) mona nq'a e 'ngoe haniminung ea bona, ba khutla 'me ba lula, ba lebella. 'Me ka kena kahare, mohlankana ea bohehang; mohatsa'e a lutse kantle, a ntse a lla, eena le motsoalle oa bona. 'Me monna e mong le moena e mong ba fihla, ba matha, e le motsoalle oa mohlankana enoa, a ntse a re, "Oh, Moena Branham, ho hlahile *hore* le *hore*."

<sup>30</sup> Ka ea teng ka bona mohlankana ea bohehang enoa a lutse mono, feelsa qhooeng ea bophelo ba hae, moetapele oa banna ba bacha, a lutse mono, 'me Satane a mo tlammé. Ha a ka a eleloa, empa ka nka letsoho la ka (le letšehali) ho tsukutla matsoho le letsoho la hae (le letona), ho bona haeba a sa tšoaroa ke lefu le itseng. Empa keha pontšo ea thothomelo e sa fumanoe. Ho tsoa phaposing hantle ho tsoa rapela le ho itima lijo, le ho emela Morena, tlolō ea Moea o Halalelang e le teng mono, 'me ke ka baka leo O re tataisitseng, ua bona. 'Me eaba ke bona seriti sena sa lefifi holim'a hae. Ke sa bolele seo ke neng ke se etsa. Empa nakoaneng e seng kae keha e fetile eohle, mohatsela oa matsoho a hae o nyametse, keha a hooeletsa a tlotlisa Molimo, a iphumana metsotsong e 'maloa. 'Me ke bana ba lutse hantle mona hoseng hona, ba lutse letšoeleng. Le bona kamoo Satane a na a leka ho ferekanya mohlankanyana eo, a mo fuluela pherekano a boela a e haha, athe Moea o Halalelang o tsebile, 'me ka e bona ka pono ea Morena. Empa Molimo oa na oa tsotella monna eo. Molimo oa na oa tsotella moshanyana e mocha eo.

<sup>31</sup> Ha ke kena nakoana e fetileng, e—e mofumahatsana, ke 'mona a lutse lipakeng tsa litulo mona, ho se na...o sa tsoa fumana setulo sa hae ka tsela e itseng, 'me a lula fatše. O itse, "Lilemo tse robong, Moena Branham, ke ntse ke leka ho u fumana." 'Me a re, "Ke thoothela haholo! Ke fihlile morao mona, 'me ha kea fumana setlankana sa thapelo ho kena moleng."

<sup>32</sup> Billy, ehlile, litaelo tsa hae ke ho hlokomela hore ha ke khathatsoe, ho nkenya le ho ntša. Le se ke la halefela Billy, o laetsoe joalo ke lekhotla lena la literaseti. 'Me holane a sa etse hoo, nka be ke sa khone ho finyella mola oa thapelo, ho kena ka mona. Le eleloa hoo. Ua bona, re tlameha ho rala tsamaiso ea ho sebetsa eng le eng. Re—re tlameha ho e rala, ua bona. Empa a re, "Tloo, ntate, potlaka," sena.

<sup>33</sup> Mofumahali o ile a chechella morao. 'Me a re, "Moena Branham, ke batla ho bua le uena." Ke sa eme mono, eaba pono e hlaha holim'a mofumahali enoa ea motle, le ho bona pelo ea mosali enoa e imetsoe. 'Me o ne a leka ho sebetsa ho iphelisa. 'Me e—e ntho e kholo e hlahile morao koana, motšeо koana mehleng ea batsoali ba hae, e leng sesosa sa nthohali ena e mo hlahetseng, 'me Morena Jesu a E senola a e supa na e ne e le eng. 'Me mono, ka nako le motsotso, a e tlosa ho mosali. A tloha a nyakaletse. 'Me joale o lutse mona le rōna har'a letšoele hona joale, a nyakaletse, ka likeleli, 'me joale o ntse a phumula likeleli mahlong a hae joale, ka ho tseba hobane 'nete ea taba e pepesitsoe. 'Me hono, eng, mosajana eo oa batho ea jeoang ke methapo, a na a jeoa ke methapo a sa tsebe a iketseng, 'me a ikhopola ho felile ka eena, 'me Moea o Halalelang o le sieo, 'me lena ke letsatsi la hae la ho qetela. Esale a leka lilemo tse robong 'me a se a batla a nyahame, eaba Molimo o tsotella mosajana eo ea sa tsotelloeng ke motho. Ua bona? Nako e kakang! O hlile O a tsotella.

<sup>34</sup> Mohla A na a le lefatšeng mona, kamoo ke buang, O tsoteletse batho hoo A bileng a folisa bakuli, a tšelisa lipelo tsa bona, a ba borella ka—ka bolulo boo A tla ea ho bona ho ba lokisetsa bona, 'me o tla boela a khutla a ba nkele ho Eena. O ne a ba tsotella. 'Me lemohang, O tsoteletse hofihlela, athe O tsebile a tšoanela ho tsamaea A tle a re tlisetse nthohali ena, O itse, "Nke ke ka le tlohela la ba likhutsana, empa Ke tla romela Moea o Halalelang, 'me O tla tsoellisa hlokomelo ea Ka ho lona," hofihlela A khutla. Ha ho ea tsotellang joaleka Jesu. Ka ho tseba hoba 'mele oa Hae, kaha e le Moprista e Moholo, bobuelling boo A bo phethisang hona joale, 'Mele oo o tlameha ho beoa ka pel'a Sefahleho sa Molimo kamehla, ho buella, Molimo a tla a se bone sebe sa moetsalibe; O bona feela Mali a Mora oa Oona ka Sebele. 'Me ka ho tseba hoo, O romeletse Moea o Halalelang ho tsoellisa ho tšelisa batho ba Oona. Ana O a tsotella? Ruri bo, O a tsotella. Joale, O ne a tla tsoella ka ho tsotella batho, batho ba Oona mona lefatšeng, ho tsoana le kamoo A ba tsoteletseng mohla A na a le mona. Hobane O boletse ho Mohalaleli Johanne, khaolo ea 15, ha u batla joalo... Ke ngotse lintlha tse khemang le Mangolo ao ke lebisang ho oona, Mohalaleli Johanne 15:26 le 27.

<sup>35</sup> Ke bona bang ba lona ba ngola Mangolo fatše. Ka baka leo nka lebisa ho lena haeba u sa tsebe, hangata, Lengolong leo. Ke ngola Lengolo fatše, ka hona ke tseba moo ke buang ka sona ho tsoa mona, hoba ke Lentsoe la Morena kamehla. Ua bona?

<sup>36</sup> O boletse, mohla Moea o Halalelang a tlileng, Oo Ntate a tla o romela ka Lebitso la Hae, O tla paka ka Eena. Ka mantsoe a mang, O tla etsa lintho tseo A li entseng. Moea o Halalelang o sebetsang ka tabernakele eo A e halaleitseng, o tla etsa tsona lintho tseo A li entseng. Joale, seo se tlameha ho re etsetsa'ng!

Ka hona re tseba hantle kajeno har'a rōna re na le eena Morena Jesu motšelisi ka sebopeho sa Moea o Halalelang, phaposi e 'ngoe eo Molimo ka Sebele a sebetsang ka eona.

<sup>37</sup> E kile ea e-ba Motšelisi oa Iseraele ba ka lelala ba bona Topallo ea Mollo, 'me ba utloa moporofeta a bua Mantsoe a lokileng, 'me Molimo oa E netefatsa. E ne e le Motšelisi oa bona.

<sup>38</sup> E ne e le Motšelisi mohla A leng lefatšeng mona joaloka monna, Molimo o entsoeng nama. Molimo o Ipapisitse le ho Ipepesa ka e—e Monna, Kreste Jesu, Ea tsepisitseng "Mesebetsi eo Ke e etsang le lona le tla e etsa. 'Me 'na Ke ea ho Ntate, 'me Ke tla romela Moea o Halalelang, Oona e tla ba 'Na ka sebopeho sa Moea. 'Me Ke tla ba le lona, le ho lula ka ho lona. 'Me tsona lintho tseo Ke li entseng mona, Moea o Halalelang o tla boela a li etsa ka Lebitso la Ka, mohla A tlang." Ua bona? Ke ka hona A boletseng, "Ho bua khahlano le Hoo" joale ka mor'a hoba pheko e etsoe, e ne e le sebe se sa tšoareloeng, ho "nyeföla Moea o Halalelang."

<sup>39</sup> 'Me O tla etsa joalo, re tle re tsebe haeba e ne e le matšeliso a ntlhakemo ea lefatše, re tle re tsebe haeba e ne e le matšeliso a motsofe ea itseng ea ka re kopelang ka liphaka tsa hae a re thabise nakoana, kapa—kapa polelo e itseng ea bolumeli e ka reng "joale u setho sa rōna, 'me re e tšoere; 'me u se ke ua ingolisa le tse ling tsohle, hobane ha ba na letho."

<sup>40</sup> O e kholisitse ka kotloloho, ua bona, "O tla bua ka Lebitso la Ka. Mesebetsi eo Ke e etsang le lona le a e etsa, haeba A le holim'a lona." Ua bona, O tla tšelisa ka tsela eo, ka ho tšoarela libe tsa rōna tsohle, ho folisa maloetse a rōna oohle, le ho bua le rōna ka matšeliso a 'Muso o tlang ho tla. Ua bona, ho Iponahatsa har'a rōna, joaloka Molimo ha o Ipakile har'a rōna ka Jesu Kreste. 'Me ho—ho II Timothea...I Timothea 3:16, ho ngoliloe tjena, ho tseba ka Molimo, "Ntle khanyetso re elelloa hobane sephiri sa bomolimo se seholo, hoba Molimo o bonahetse nameng." Re bone Molimo nameng. E ne e le matšeliso a Molimo, ho tseba hobane O tlie hakana (O re tsoteletse hakana) A ba a fetoha e mong oa rōna. Molimo o no o bonahetse nameng. Hase motho e mong osele feela, empa Molimo ka Sebele!

<sup>41</sup> 'Me joale ho e atametsa khato ho feta moo, O rometse Moea o Halalelang ho tsotèlla matšeliso a rōna, 'me O ahile ka ho rōna. Oh, ehlile O a tsotèlla!

<sup>42</sup> Joale re tlameha ho fetela karolong e 'ngoe ea Lengolo mona, kapa mohopolo o mong ho tšehtesa sena. Pele ke tloseletsa, nka bua sena: hase mang le mang ea ruileng Motšelisi enoa. Bao, ha ba khone, ha ba na Eena. Lebaka leo ba se nang Eena, ke hoba ba sa Mo amohele. O etselitsoe bona, empa ha ba Mo amohele. Joale, ke tšepa le le moeeng ka ho lekana ho—ho bala seo ke se buang. Ua bona? Ke bua le

sehlopha sa batho ba tla rapelloa metsotsong e 'maloa. 'Me re fumana Motšelisi enoa e leng Moea o Halalelang o rometsoeng e le Motšelisi, empa batho bohle ba ke ke ba amohela Hoo. Ha ba lumele ho Eena. Ua bona? Bao, ka ho etsa hoo, ba thola matšeliso a bona ho tsoa mohloling o mong, mokhoa o itseng. Haeba ba sa amohele Motšelisi ea hlahisitsoeng ke Molimo, ke moo ba tlamehang ho thola motšelisi e mong, ua bona, hobane u ke ke oa phela u sa phelele ho hong.

<sup>43</sup> 'Me ke tšepa mang le mang oa lona a tšoara seo, haholo lona batho ba tla rapelloa, ba sa phuthulohang hoseng hona, mohlomong ba aperoe ke mathata ao lingaka di ke keng tsa a ama.

<sup>44</sup> 'Me re lumela lingaka li hlile li thusa batho. Ke lumela Molimo a folisa ka moriana. Molimo o folisa ka karo. Molimo o folisa ka kutloisiso. Molimo o folisa ka lerato. Tšebetso ea lerato le seng le kae e na le matla. E re motho a ferekane, 'me u ba bontše u ba tsotèlla. Ua bona? Molimo o folisa ka lerato. Molimo o folisa ka thapelo. Molimo o folisa ka mehlolo. Molimo o folisa ka Lentsoe la Oona. Molimo o a folisa! E ka bang ka mohloli ofe, Molimo o folisa ka eona. Molimo ke oona o folisang, hobane O itse, "Ke 'na Morena ea phekolang maloetse oohile a lona." Ka hona hoo hohle ho lokela ho sebetsa 'moho, 'me batho ba litšebetso tse fapaneng ba tlameha ho sebetsa 'moho morerong oo. Ua bona? Joale, empa ha ba etse hoo, hoba ka linako tse ling ba thibeloa ho nka kemo e ikhethileng holim'a Lentsoe la Molimo, hobane madumeli a bona ha a ba lumelle ho etsa hoo. Empa hoo ha ho hanele 'Nete, ka mokhoa o tšoanang, Molimo o tsoelapele a folisa ka ho tšoana.

<sup>45</sup> Ka baka leo ba leka ho hula matšeliso mohloling o mong. Ha re bueng pele ka soule.

<sup>46</sup> Re fumana batho bongata ba leka ho fumana matšeliso ka ho noa. U a tseba, kajeno har'a rōna re na le maele a tummeng, hore—hore bareri ba bangata ka linako tse ling ba noa pele ba hloella sefala, ho fupa e—e—e mothangoana o mahetla oa tahi. Ke khafetsa bareri ba tsejoa ba bonoa sefaleng, 'me bile ba thekesela tlas'a tšusumetso ea tahi. 'Me hoo—hoo ha se tšoanelo. Ha e a tlameha ho etsahala. Hobane hangata re qosa monna athe koana ha rea lokela, re tlameha ho fumana sesosa sa bothata. Bongata ba bona bo khonyolotsoe tahing. 'Me rea fumana, haeba ba kene maemong ao, ke lihlong le sekhobo. Empa hase sekhobo se fetang ho bua leshano, ho utsoa, ho lakatsa basali, kapa ntho e itseng e ka har'a molao. Ua bona? 'Me ekaba monna o tsoetsoe maikutlo a hae a le mahlahahlahaha, 'me o bona bophepheletsane bana ba sejoale ba hlobolang seterateng, 'me o—o lula a le mathateng. Ua bona? Eena, hoo, monna o tsoetsoe joalo. Joale, seo a tlamehang ho se etsa, moreri ea noang, kapa e—ka mosali ea tsubang kapa ea . . .

<sup>47</sup> O apara hampe, o leka ho momona matšeliso a hae ka boitlhopho bo khahlehang boo, o batla ho shebjoa ke monna. Ha ho lebaka le leng. O batla a hlanya. Ua bona? Ha ho mosali ea nang le kelello e nkang hantle ea ka khonang ho hlobola pel'a monna, kelello ea hae e ntse e sebetsa hantle. Ua bona? Ha ho lebaka la letho. 'Me eena, empa o a leka, bananyana bana ba kajeno ba tsoelang seterateng, ba hlile ba...Be, tšoarelang tlhahiso ena. 'Me le hopole, lebanta lena ha le tsoele batho bana feela mona, le potoloha lefatše. Ua bona?

<sup>48</sup> 'Me e—e mosali ea ka hlobolang liaparo tsa hae, hobane o a tseba hore ho chesa ho feta. Ako tsamaee kantle mono letsatsing, u tsotse, u ntoo tsamaea kantle u apere liaparo, ho pholileng ke hofe? Maindia tlase mono ma-Papagos le ma-Navajos; haholo, ma-Papajos, le bao ba hlahletsoeng litšeng, basali ba tsoa ba ikhahlile ka likobo, 'me ba lula kantle mono letsatsing ho ba pholisa. Hobaneng? Baa fufuleo, 'me moea o fokang o fehla moea o pholileng, u a bona. 'Me basali bana ha ba na morero o mong haese feela...Ha ba e tsebe, ha ba e elelloe. Ha ke re ba etsa joalo. Bongata ba bona ke basali a imametseng, 'me ha ke e bue ho khohlahala hakaalo. Ke e bua ho—ho leka ho—ho—ho ba phaphamisa. Ua bona?

<sup>49</sup> Ke Satane feela, ua bona. U a lemotha hore bong bo bong, bong bo botona bo sheba tse joalo, ho ba hohela hofihlela ba—ba khiritsa dithaere tsa bona 'me ba butšoela e—e—e mololi oa phokojoe. 'Me—'me—'me ba e etsa lebaka e le lefe? Basali ba etsa hoo ho etsisa banna hoo. Hobaneng u etsoa, hantle har'a mp'a motšeare, le ka hora ea bone thapama, ho hela joang ha batho ba tsoa mosebetsing oa bona le lintho tse kang tseo? Hoo ho supa moea oa bohlanya. 'Me kea tseba bongata ba bona hlalohanyo ea bona e qahametse ea ka makhetlo a milione, empa 'na ke hlahloba hlalohanyo ea hao ka Lentsoe la Molimo le ho sheba moo e tsoang teng. Ua bona? Eo ke hlalohanyo ea mehla ena, empa bona bopaki le litholoana tsa bophelo li a paka. Ka baka leo ba leka ho fumana matšeliso ka ntho eo.

<sup>50</sup> Bongata ba bona ba re, "Be, ha ke etse hoo." Empa u apara ka khoheli e kana u leka ho ipapisa le mehla ho feta basali ba tla lula pel'a hao ka kerekeng hoseng ho latelang, ho roala katiba e hlolisang kapa liaparo tse hlolisang, hoba u ka li khona. Ua bona? Ua bona, sebe se a thophothela se kena botebong. 'Me ba leka ho fumana matšeliso ka ho etsa hoo. 'Me ba na le...

<sup>51</sup> E fihlile moo e khahlotseng sechaba sohle, hase sechaba se 'notši, empa lefatšeng lohle. Nka bua lintho tse ngata mona, empa, ho boloka nako, tšebeletso ea pholiso e tla latela, nka—nka bua ka bophara ntlheng ena, empa nke ke. Ke kholoa le tla utloisia seo ke se bolelang. Sena, se khahlotse lefatše la lipolotiki, bophelo ba lipolotiki, bophelo ba phelisano, bophelo ba boitšoaro ba sechaba, ba batho lefatše bophara. Ho fihliloe

moo motho a batlang ho fetoha ralipolotiki morero e le feela ho qhoaela lebitso la ralipolotiki. Chelete e ngata, ba ka hula livoutu ba hira machini ho e sebetsa, le—le joalo, ho fumana lebitso feela, 'me li ja limilione le limilione tsa lidolara, ua bona, e le ho fumana lebitso la ralipolotiki e moholo feela. Boholo bo builoe, le tseba seo ke buang ka sona.

<sup>52</sup> Le bophelo ba phelisano! Batho ba leka ho kopana bophelong bo hlanyang bona ba phelisano. Se mpolelleng la re lefatše ha le hlanye, athe le tsoella kamoo le tsoellang. Ehlide le joalo. Ruri bo. Ke lefatše le tšoeroeng ke methapo. 'Me re tla le phonyoha feela ka mohau oa Molimo. Lemohang, bophelong bona ba phelisano, batho ba fihlile moo moo ba—ba itsoakang le mekha e menyenyane, 'me ba kena ho eona ba nahane, "Re batle ho feta seholpha se latelang." Ua bona? 'Me eona, e sebetsoa joalo feela. 'Me ke maitšoaro, hoo ho tšoaelitse maitšoaro a batho hoo, ka botšepehi, metsoalle, ha ke khlooe (lefatše) lentsoe "boitšoaro" le bile le nkeloa hlohong ho ba mashome a robong holim'a ba lekholo sechabeng sena. Ebile ha ba tsebe seo (lefatše) lentsoe "boitšoaro" le bolelang. Le—le ba phomile. 'Me hoo ho entsoe ka bolotsana.

<sup>53</sup> Satane o masene haholo, ua bona, 'me o e sebetsa ngotlike mohoasa, ka—ka masene a makana, nthoana e seng kae *moma* le nthoana *mane*, 'me e etsoe. O na le nako e ngata, ka hona o matha nakoana a sotetse nthoana *mona* le nakoana a sotetse nthoana ka *mane* 'me, ntho ea pele u a tseba, batho ba se ba kene ho eona butle. Ho ne ho ka etsahala'ng ka mosali, morao mohla ke leng moshanyana oa lilemo tse leshome tšeleta, holane a tsamaea a theoha ka seterata mokana phepheletsane ena e hlobolang? Khele, ba ne ba tla mo hlahlela chankaneng. Be, ha e be e le phoso mohlang oo, e phoso joale. Ua bona? Empa, u a bona, Satane o qalile a poma likhete tsa bona, a li theolela tlase, 'me—'me motho o teng ea tla qapa nthoana e katlasana le mikini kapa bikini, kapa le e bitsang, hofihlela ho lehlaku la feiga. La sa hopola na! Ke hantle, e tla khutlela morao hantle. 'Me eona, hantle-ntle e se e le teng joale.

<sup>54</sup> 'Me joale re fumana, lintho tseo tsohle ke hobane batho ba ntse ba leka ho fumana matšeliso. Ba ntse ba leka ho fumana seo ba... 'Me le hopole, matšeliso a hao ke borapeli ba hao, 'me lintho tseo u li fetola borapeli ba hao. Ua bona? Ho haula hakakang athe u elelloa lefu le larile hantle ka pel'a hao. Ua bona? Hofihlela, sena sohle se hlahlile hofihlela eka ha ho a sala e—e motheo o tiileng sechabeng ho haha holim'a letho holim'a oona.

<sup>55</sup> E reng ke le botse taba. Ho thata ho lumela letho, ebile, ntle le Bibe. Re sa ntse re e-na le Kreste; ho lebohuoe Molimo. Ua bona? U—u ke ke ua lumela letho. U hloella holim'a... Ho tea mohlala, ha u bulela thelebishene (lona ba nang le tse joalo), 'me ha u bulela thelebishene ea hao u

sheba e—e lipapatso, be, hola motho a ka leka ho phela ho latela karolo ea 'ngoe lekhlong ea lipapatso tseo, u ka shoa nakong ea veke. Ua bona, u ke ke ua khona. 'Me eona ntho eo khampani e itseng e ka e nyefolang, joaloka thepa, 'me ba re, "Ena ke eona ntho mona, 'me u se ke oa sebelisa ntho *ena* mona," athe thepa eo e rekisoa ke khampani eona eo. Ebe ho hlaha papatso e 'ngoe, khetha *ena* ka lehlakoreng lena 'me e seng *eane*, holim'a e le khampani eona eo. Batho ba Amerika ba oela ntho tse joalo sehloho, hofihlela ntho eohle e bolile, hofihlela litšepo li se li felile ho hang. Ha ho mang ea tsebang na a lumele eng. Empa ke tlil'o le bolella na le lumele eng, ha u batla matšeliso, ha Morena a ratile.

<sup>56</sup> Batho, ba leshano, ba qhekanyetsa, ba utsoa, ebile u hloka setlamo sa tshireletso ho alima didolara tse hlano mothong. Ke... U a tseba, Bibele e bua seo, lerato le tla hlokahala har'a batho matsatsing a qetelo haese har'a batho ba bakhethoa. Ke hantle. Lengolo le bua ka eona, le re monna o tla ema khahlano le mosali oa hae, le mosali khahlano le monna, bana khahlano le batsoali. Lerato le tla sala har'a Bakhethoa ba Morena ba inotši.

<sup>57</sup> Likereke li kene nthong eona eo bophelong ba phelisano. Ba bo sotélitse kerekeng, bophelo ba bona ba phelisano le lipolotiki tsa bona le lintho tse ling tsa bona, ba bile ba ferekantse kereke ha e sa tseba na e etse'ng. Ba sotélitse lipolotiki kerekeng. Ba boetse ba sotélitse bophelo ba phelisano, bophelo ba bona ba phelisano ka har'a kereke, litaba tsa bona tsa phelisano, bingo kapa bunco, kapa e leng hore ba e bitsang, le disophoro tsena le litantše, le lintho tse joalo, ka tlung ea Morena. Khele, e—e a haula.

Ba re, "Be, joale, ha se eona, ke hona e tla haptjoa."

<sup>58</sup> Hopolang, e ne e le khapo ha Jesu a shapile e—e barekisi le thepa ea bona, ho thoe, "Ho ngoliloe, 'Ntlo ea Ntate e tla bitsoa ntlo ea Thapelo,' athe lona le e fetotse leahaha la masholu." Ua bona? E phoso, ha ke tsotelle e hokae na. Ha feela kereke... Kereke hase hakaalo moaho, ke batho ba ka har'a moaho. 'Me haeba batho ba lebeletse mona, khele, ho phoso. 'Me ba sotélitse moetlo oo.

<sup>59</sup> Joale re fumana likereke, le tsona, li sa phetse ho tsepisa ho hong, joaloka thelebishene le lintho tse joalo, ha ba phethise seo—seo tsepiso ea bona. Joaloka ha ke boletse khafetsa, qotsa ea khale, "Motho o lula a rorisa Molimo ka seo A se entseng, ho rorisa Molimo ka seo A tlang ho se etsa (a shebeletse seo A tla se etsa), 'me a ntano nyemotsa seo A se etsang." Ua bona, ba—ba—ba hlolleha. 'Me ba fetoha histori joalo ka mora nakoana, ea ba silafetseng, ua bona, hoba ba sitoa ho elelloa hona joale! U ka bua ka matšeliso a abiloeng ke Kreste ka mohla o mong, le ho bua ka matšeliso

A tla a aba mongoaheng e tlang, u mpa u hana matšeliso A u boloketseng oona joale. Ua bona? Re fumana ntho eo holim'a motheo oo. Be, e fetohile ntho ea tonana. Joale re ba fumana ba—ba e tla . . .

<sup>60</sup> Hoo ho hlahetse le Pentekosta, ka har'a likereke. Hoo ho kene liemong tsa Pentekosta, ha ba khaotse ho tšepisa seo ba sa se fihleleng. Thaka ka leng ha le phetse ho arubetsoa ke tšisimoho e fapaneng, 'me—'me ba sa tiise haeba e lumelana le Mangolo kapa che, 'me ba tšepisa seo ba sa se finyelleng, hofihlela moo e kang botšepehi bo felile. E—e batho ha ba finyelle moko oo oa botšepehi ba makhontle. E lahlehetsoe ke . . . Lentsoe la Senyesemane la *botšepehi* le lahlehetsoe ke boleng ba lona—ba lona bathong. Kapa, ho latela e—e bophelo ba batho, le lahlehetsoe ke botšepehi ho bona. Joale ba bonahala ba sa utloisise.

<sup>61</sup> Esita le ho ea fihla maipolelong a rōna! Joale, ke batla lona batho ba tlang, kapa ba leng mona le tšoare . . . kapa ba koo—koo lebanteng, ke batla le mamele polelo ena nakoana ka hloko. Ho—ho . . .

<sup>62</sup> Pele u tsepahala ka ho shoearella! 'Me u ke ke ua tsepahala pele u utloisia ka ho tiea. Haeba u hakanya, kapa u noha, kapa u tšepa joalo, botšepehi bo tebileng bo hlokoang ke Molimo bo ke ke ba fihla. Eona, tumelo, hase "ho tšepa joalo" kapa "mohlomong e lokile." E tlamehile ruri ho ba "Amen!" Ke makhaolakhang a hao. Ke—ke—ke ea hao—ke bonneta ba hao. Ke ntho eo u tlameletsoeng ho eona. Ua bona? U fihlile ho makhaolakhang a hao, hoo "Ke 'Nete 'me ho na le . . . Hase letho ntle le 'nete, 'me E tlameha ho lula e le joalo!" 'Me mohla u erelloang hoo mohopolong oa hao, ke mohla u tlamehang ho E atamela ka bophelo ba hao bohle, soule, 'mele, sohle se ka ho uena, ho ithekisetsa eona sesotho ka botlalo. Kamoo Jesu a re rutileng eona ka mosa ka monna ea rekang liperela, 'me eaba o fumana Ea theko e thata eaba o rekisa ka tse ling tsohle ho rua Ena. Linnete tsohle le sohle seo a neng a se ruile, koana o li hopotse e le liperela tsa makoma, a—a . . . ena Ea bolela sohle ho eena. 'Me mohla u fumanang Makhaolakhang a Molimo, Lentsoe la Oona, tsepiso ea ntho e itseng, pele u tšoanelia ho tseba e le Lentsoe la Molimo, hore seo u bonang se etsoa ke Molimo. Moo—moo ha ho—ha ho "mohlomong, e ka ba eona, e bonahala joalo." "Ke Molimo!" Ha u fihla tulong eo, ke eona Perela e theko e thata, u tšoanelia ho siroha sohle seo motho mang a u boellang sona khahlano le Eona. Ha u a tsoanelia ho sheba seo motho a se sibolotseng. U tšoanelia ho sheba seo Molimo a se buileng le seo A se tšepisitseng, u bile u 'Mone a se etsa, ke oona Makhaolakhang a hao hantle mono. 'Me sohle seo u leng sona, sohle seo u kileng ua ba sona, sohle seo u tšepileng ho ba sona, se tšoanelia ho tšetlehoa holim'a Sena eka hojane ho uena ke lefu le bophelo ka nako eo.

<sup>63</sup> Ke hopola e 'ngoe ea lintho tse thibelang batho ba rōna ho folisoa ke khaello ea maipolelo, ke khaello ea maipolelo a tebileng. Joale, ho tea mohlala, sena ekare se khohlahetse, empa ha kea se lekanyetsa joalo. Empa, ha ke sheba mohatsa ka ea lutseng mono. Hola nka tsoa mona kajeno ka lahlela matsoho ka kopela mosali e mong 'me—'me ka phelisana le eena ka lerato, 'me ke tla tseba hona hoo, hoba ke entse hoo, ke sitiloe, ke phoso e kholo. Joale, ehlide, Motšelisi oa ka o tla nthibela ho etsa hoo. Ua bona? Ua bona? Empa ke bolela haeba nka—nka etsa hoo, 'me ke...ha nka tšoha ke entse hoo kapa ntho e kang eo. 'Me ke tseba ntho ea pele e le ho bolella mohatsa ka, pele nka re ho Molimo, "ntšoarele," hobane ke sitetsoe eena. Ha u tla aletareng u hopola hobane u sitiloe, e-ea lokisa hoo pele, o ntano hlahisa nyehelo ea hao. Ka baka leo ke tlameha ho ea ho eena. Kea lumela maipolelo a boela a otlolla lintho. Haeba e se joalo hase maipolelo a makhonthe.

<sup>64</sup> Joale ha nka re, "Ke tlil'o ipolela, ke sitiloe, ke re, 'Morena ea molemo, Uena Motsoalle oa ka, U a ntseba ke hlile ke U tseba hantle haholo. Ho bokoe Molimo! Alleluia! Ke—ke—ke nahana U le Mothaka oa khale ea lokileng. Ako ntšoarele. U a tseba, Motsoalle oa khale, khale, ke—ke ne ke sa ikemisetsa eona"? Ua bona?

<sup>65</sup> Joale, u re, "Hoo ke bosaoana." Ke eona. Ho etsa boipolelo ba mofuta oo, ho joalo.

<sup>66</sup> Empa ho ka thoeng ha nka tloha ka re, "Morena, ke—ke ne ke sa ikemisetsa ho e sebetsa ka tsela eo, 'me U nthuse 'me ha ke sa tla e etsa hape"? O ne a tla hana sehlabelo sa ka pele ke ea lokisa litaba le mohatsa ka.

<sup>67</sup> Ho ka thoeng ha nka mo atamela ka ho hloka hlompho hona hoo, le ho re, "Hela, uena mothepa oa khale, motsoalle oa ka, 'm'a bana ba ka, le moratuoa oa ka, u a tseba esale re le metsoalle. Hela, u tla re'ng ha nka kopela mosali e mong? 'Me u re'ng ka eona, uena ngoana khale, u tla ntšoarela na?"

<sup>68</sup> Kea nahana u ne a tla shebeha joang. O ne a tla nahana, "Ho etsahetse'ng ka mohatsa ka?" Ua bona? Joale, tabeng ea pele, u ne a sa tl'o tseba haeba ke bapala kapa haeba ke sa etse.

<sup>69</sup> Le hona ha u tsoe joalo ho ipolela ho motsoalle oa hao kapa ho Molimo. U e atamela ka matebo a botšepehi bo shoeletseng, ka hlomoho ea borapeli ka baka la sebe sa hao. Pele, u tšoanelia ho itšoabela. Ke tšoanelia ho 'molella, "Moratuo, tloo koano, taba ena e ka ama leeto la bophelo ba rōna ba lenyalo. Mosali eo ke phelang le eena, uena moratuoa oa ka, 'me esale ke u ratile lilemo tsena tsohle. Empa joale u ka 'na oa ntlohela, ho tloha mona, u ka tloha u sa hlole lula le 'na, u ka tšoha u sa nkamohele. 'Me ke tseba taba eo. Empa koana, ho lokisa litaba, ke tlamehile ho loka." Ke tlameha ho 'molella ho tsoa matebong a pelo ea ka.

<sup>70</sup> Le joalo Molimo ke tlameha ho 'molella ka mokhoa oo. Le ho bolella eena le Molimo, ka botšepehi, hore ha ke sa tla phetha, ka mohau oa Molimo. Ua bona? U se ke feela ua... Joale, koana nka khona ho mo tlisetsa eona, 'me a (ua bona?) ke ke a mpona. Koana puo ea ka ho eena eka—eka mo kholisa, empa puo ea ka e ke ke ea kholisa Molimo. Eena o sheba kahar'a pelo ea ka 'me O a tseba. Ebile, ke tla qeta lilemo tse 'maloa feela le eena, ha Molimo o ka e lumella, 'me re tla tlosoa lefatšeng lena. Empa Molimo, ke Bosafeleng, ka baka leo ke tšoanela ho tsepahala ka botebo ho Molimo. 'Me haeba ke tsepahala, O tla nkutloa. Empa haeba ke sa tsepahale, le ho senya nako ea Molimo a ntse a 'mametse ha ho hlokahale.

<sup>71</sup> 'Me kajeno litaba li eme mono, har'a batho, ho bonahala khaello ea botšepehi bo tebileng boo—boo ba tlamehang ho ba le bona.

<sup>72</sup> 'Me ke lumela monna kapa mosali ea tlang ho rapelloa, o tlameha ho ipolela tseo a li entseng pele, 'me a lokise lintho tsohle. Hobane, u a bona, le elelloa hangata kalaneng, le a lemoha, le hlokomela kamoo HO RIALO MORENA eo e emeng hole kateng. Ua bona? Ua bona? Batho, pono e tla etsahala, ehlide, 'moho le tumelo ea bona, Molimo o tsepisitse taba eo ka neo. Empa pholiso ke ntho e fapaneng, ua bona; ke hona Molimo a e elang hloko, ua bona.

<sup>73</sup> Joale, re a elelloa, hono, batho haeba ba ipolela, ba tlameha ho tla ka botšepehi bo tebileng. 'Mona ke tšoere, ha ke na nako ea ho e bala, empa ke koana Binghamton, New York, ke a kholoa. Kapa, na ebe ke e fositse? Ee, Binghamton, ke a lumela e lokile. Hona moo Endicott Shoe Company e fumanoang. Binghamton, ke lumela e bitsoa Binghamton, Binghamton, ke hantle, New York. E le ha re etetse mono Endicott-Johnson e leng tulo ea lieta, odotoriamong e kholo, 'me teng re tšoere kopano. 'Me hoseng ho hong, Billy Paul a le mabapa le 'na, ho bata haholo, meeal e foka. 'Me ka fumana, har'a batho, khaello ea botšepehi, ha bonahala joalo. 'Me ka—ka ipotsa lebaka. Monna e mong a folile mona, morero, kapa ho—ho qoholla monna e mong eo ke buang ka eena. Monna eo a hlokofetse haholo, 'me eaba o folisoa bosiusing bona a sa eme mono. 'Me le pele re tloha, matsatsi a mahlano, mahloko keha a boetse a mo apere. Ua bona? Hobane, ka pel'a Sefahleho sa Moea o Halalelang, O ile oa bo tlosa. Joaleka ha O sebelitse ho mosali e mocha enoa nakoana e fetileng kantle mona jareteng, monna e mocha maobane bosiu, ua bona. Empa botšepehi bo tebileng ba ho tseba hore Molimo o ka khonang ho e tlosa ho uena joale, haeba tlölo eo e lutse holim'a hao, o ka lula o thibetse holim'a hao. Ua bona? 'Me eaba Moea o Halalelang hoseng ho hong o buisana le 'na, letsatsi le se le a chaba, 'me ha tsoe, "Nyolohela

kalaneng kae-kae, 'me u nyollele batho mono u re ba ipolele sohle seo ba se entseng, pele u ba rapella." Ua bona? Botšepehi bo tebileng!

<sup>74</sup> Lefatše haeba le sa sokolohe, le tlamehile ho timela. Ua bona? 'Me boipolelo ke seo lefatše le se hlokang, ke boipolelo bo tšepehang.

<sup>75</sup> Eka moriana oa maloetse. Bohle re khona ho bala mofuta oa moriana o kahar'a botlolo le lefu leo o—o le phekolang. Empa, u a tseba, ho bala litaelo, ke tlil'o e sebelisa ke e bapisa le Bibebe, likolo tsa rōna le liseminare li khona ho bala Lentsoe lohle. Empa, u a tseba, ho bala litaelo feela tsa ho noa moriana, ha ho—ho phekole lefu. Ua bona? Ke—ke moriana, ka hona u tlameha ho nooa! Ka baka leo motho a ka re, "Ke e—e moithuti oa bolumeli. Joale, u se ke ua bua le 'na, ke—ke—ke... a hore-le-hore, 'na ke tseba Mangolo. Ke—ke a tseba Bibebe e bua hono-le-hono, *hoo*."

<sup>76</sup> "Ea utloang Lentsoe la Ka," Mohalaleli Johanne 5:24, ho tea mohlala. "Ea utloang Mantsoe a Ka a lumela ho Ea Nthomileng, o na le Bophelo Bosafeleng." Kapa, King James e re "ba kamehla," e leng "Bosafeleng," ka nepahalo. "O na le Bophelo Bosafeleng hobane a lumetse." Batho ba bangata ba re ba lumela. Joale, hoo ho lokile. E—e—e Lengolo le nepile. Ke—ke ntse ke bala e—e—e Taelo, ke ntse ke bala seo Taelo e leng sona, le Phekolo ea sebe sa ka, empa na nka E amohela? Na nka lumela? Nka 'na ka re "Ke a lumela," empa na ke hlile ke a lumela? Ke eona ntho e latelang. Ho Le bala feela le ho tseba litataiso, ha ho phekole lefu. Bothata ke hore (lebakeng la rōna) ha re amohele seo Sehlare se re laelang sona. Re tšoere Sehlare, empa ha re Se amohele. Re re re etsa joalo, hobane re khona ho Le bala; empa ho Le amohela ka bonneta, ha re ho finyelle. Ua bona, Evangelie a tšoana, moriana, lebakeng lena. Haeba mokuli... Mme sehlare se pakiloe se phekola mokuli, 'me mokuli o bala sohle se amanang le—le tšibollo ea sethethefatsi sena, ebile ba tseba aonse ea moriana o kahar'a sona, ba tseba lebitso lohle la—la ramahlale ea sibolotseng sethethefatsi sena, le kang vaksini ea Salk le e joalo. Haeba re—haeba re tseba Lentsoe le amanang le Eona, re mpa re hana ho Le amohela, Le ke ke la re thusa. Ua bona, Le—Le ke ke la re thusa.

<sup>77</sup> Empa, athe ebile re re, "Empa re le amohetse!" 'Me haeba u ipolelisa u le amohetse, 'me mokuli a sa bontše liphetoho, ha a o noa. Ke phetho. Kamoo, hola tšupanako e leboteng eo e se ntšunyakhare, ua bona. Nka rata ho likalika mona ka e theola e tiile e le matla molemong oa batho ba rōna—rōna, haele moo Evangelie a pakile lintho tsena, 'me ha ba re ba E amohela, athe ba ipontša ba sa E amohela! Motho a ka bala Mangolo a amanang le nthoana eo ke e buang, mabapi le basali ba pomang moriri oa bona a tena lishotso, le lilo tseo, ba ka

ipitsa Bakreste joang athe Moriana Boona o bua ka ho fapan! Ua bona? Joang? U re, "Empa ke hobetse Moeeng, ke buile ka lipuo." Hoo ha ho bolele ntho le e 'ngoe. Bophelo ba hao bo u paka u sa Le amohela! Ua bona? U itse u—u Le amohetse, empa ha u a etsa! Hobane, u sa bontša matšoao a reng Moriana o tlameha ho folisa. 'Me Moriana, mocheng oa Evangel, ke pheko e kholisitsoeng! E tlamehile! Joale, u a bona, u tlameha ho bontša liphetho.

<sup>78</sup> U nka motho ea ipolelang a re o, "Ke eena. Ke molumeli. Ke a lumela." E re Leseli la Evangel le ba chabele, moena, ba E amohela hona joale! 'Me ba tla bontša liphetho. Ruri. Ha u sa tla bona monna eo tameneng, ha u sa tla 'mona kantle mono a tšoere sakrete letsohong la hae, u ke ke ua 'mona a e-enoa. Oh, che. U ke ke ua 'mona a bonya le basali ba bang. Che, che, che. Ha ke tsotelle na ba halimisa nama ea botšeħali ba bona hakae pel'a hae, o tla thintsetsa hloho ea hae sebakeng a shebe ho Kreste. Ke'ng? Hoo ho bontša Sehlare se sebelitse. 'Me ha Se sa sebetse, u re, "Be, ke a tseba ke Se amohetse," be, joale u hokae kajeno he? U a shoa. U a bontša! Ke ntse ke u shebile ke hlahloba pabo ea hao, ka—ka Bibebe, hore u sa ntse u phela sebeng. 'Mme moputso oa sebe ke lefu. Se nahane hore e ka hlakisoa ho feta moo. Ua bona, liketso tsa hao li a paka, liketso tsa hao li u paka u sa Se amohela. U ile oa *nahana* joalo. Amen. Mohlomong u—u ne u tšepahetse ka bottlalo ha u etsa, empa ha u a etsa letho! Hobane, holane u entse, Molimo o tšepisitse Se tla u sebeletsa. Athe sebe sa khale se sa lutse mono, semelo sa khale sa Adama se sa ntse se likalika mono, ho se lumele ha khale. Leha koana u leka ho iketsisa, ka pel'a bomphato ba hao, ho re, "Be, ke molumeli. Oh, ho bokoe Molimo! E, ke molumeli." Empa, u a bona, ha E a u thusa ka letho.

<sup>79</sup> Mohlomong mokuli ka sebele e—e Moriana o ne a sa rereloa eena pele. Haeba ho le joalo, O ke ke oa sebetsa le mohla. Ke hantle. U a bona?

<sup>80</sup> Empa shebang mosajana ea sa hloekang mekhoa eo mohla Leseli le ne le mo chabela, ntho e le teng mono ho hlokoma maemo a hae. Ua bona? Haeba re lumela 'me re ipolela ka botšepehi, Sehlare sena sa tsela ea Molimo se a sebetsa. Molimo lintho tsena o li hlaphiselitse tsela.

<sup>81</sup> Joale, ua bona, motho o tla tloha, a re, "Be, ke ngolisitse kerekeng. Ho 'na ke phetho." Eo hase tsela ea Molimo e hlaphisitsoeng.

<sup>82</sup> Tsela ea Molimo e hlaphisitsoeng ke pak, maipolelo, le ho pepesa liphetho, ho bea tholoana e tšoanelang pak, ho bontša botšepehi. Holane lona batho ting le ka etsa hoo hoseng hona, lona ba tlileng ho rapelloa! 'Me lona batho ba utloang lebanta lena, lefatše bophara, 'me ka mora ho letsoa ha lebanta 'me moreri kapa motho ea le letsang lihlopheng tsa phutheho kantle

koana likhoeng kapa kae moo le leng teng, ea le letsang, pele hola le ka hlakisa maipolelo a lona, 'me le tle le sa fupara letho pelong tsa lona, haese tumelo, le ho rapelloa, Moriana o tla sebetsa mono.

<sup>83</sup> Jesu o boletse, "Bakang, e mong le e mong oa lona!" Ke bolela Petrose o entse hoo ka Letsatsi la Pentekosta, "Bakang, 'me le kolobetsoe ka Lebitso la Jesu Kreste tsoarelong ea sebe, 'me le tla amohela neo ea Moea o Halalelang." Haeba u hlide u baka 'me u lumela ho Morena, 'me u kolobetsoa ka Lebitso la Jesu Kreste, u fetola Molimo leshano ha u sa amohele Moea o Halalelang. Haeba... Jesu o boletse sena, taelo ea ho qetela kerekeng ea Hae, "Mehlolo ena e tla tsamaea le ba lumelang. Ha ba bea matsoho a bona holim'a ba kulang, ba tla fola." 'Me ha u bona lipontšo tseo li latetse molumeli, 'me u nyoloha 'me molumeli eo a u bea matsoho, 'me ntho e sa etsahale, etlaba phoso e teng ka ho lumela ha hao. Ua bona? "Molumeli!" Molimo o tsepisitse tsela e hlophisitsoeng.

<sup>84</sup> Re leka ho fumana matšeliso ka ho re, "Ha ke a tlameha ho mamela." Che, hoo ho nepahetse, ha u a tlameha ho mamela.

<sup>85</sup> Empa haeba u reretsoe Bophelo Bosafeleng, u tla E mamela 'me u tla E thabela. Ke Matšeliso a hao. Ke Ntho esale u e tsetselela bophelo ba hao bohole. Ke—Ke Perela eo, uena, u—u ikemiselitseng ho tela tsohle ka baka la eona. Ua bona? U E batla kahobane u tseba e le paballo ea lerato la Molimo ho uena. Ke ntho e tla batalatsa potso ea sebe, ho batalatsa ho se lumele, ho batalatsa ntho eohle, ho uena, haeba u E batla. E bakeng sa ea kulang a tiile 'me a itseba a kula, ea batlang ngaka. Ua bona? E seng ea sa kuleng, ha a e hloke, Jesu o itsalo. Empa ke bao ba kulang. Haeba u ka eleloa maemo a hao, ke moo u tla tlameha ho phethisa seo A se laetseng ho etsoa. E tlameha ho phethahala, ho seng joalo Molimo o u boleletse ntho e phoso. Ua bona?

<sup>86</sup> Ka baka leo batho hangata, litšebeletsong tsa pholiso, ha le qale tlase mosikong oa eona. U tlamehile ho hloekisa bophelo ba hao, u tlameha ho kena maemong ao, u tlameha ho bua u tiile u re, "E, ke a Le lumela," 'me hoo ho tlamehile ho tsoa botebong ba pelo ea hao. Ebe moo uena, ho seng motho ea tlamehang ho u nenesa, ho thoe, "Joale, oh, moena ea ratehang, khaitseli ea ratehang, u tlameha ho etsa *sena*, u tlameha ho etsa *sane*." U molumeli, ha ho letho le ka u amohang Eona. Ha ke tsotelle mang a ka reng, boitšetleho bofe, motšelisi ofe, ngaka efe, kokelo efe, seo hlahlolo efe e ka se buang, u sa ntse u sa e lumele. U mpa u E tseba feela! Ho bua letho ka Eona hase boholokoa, u a E tseba! Joale, eo ke ntho ea makhonthe.

<sup>87</sup> Re fumana boipèho bo bongata ba lintho tsohle. Litaba li tlameha ho ema joalo. Le se ke la khopisoa ke hoo. E tlameha ho ba teng. Esale e le teng 'me e tla lula e le teng. Empa hoseng

hona ke le bolella seo 'Nete le linnete li leng sona. Re nakong ea bofelo. Re tlameha ho ala ntho ena 'Neteng, ua bona, le ho tseba seo 'Nete e leng sona.

<sup>88</sup> Joale re fihlela batho ba sa amohele tsela ea Molimo mabapi le eona. Ba batla, bao... Molimo o ralile tsela e hlophiselitsoeng matšeliso a hao. Molimo o ralile tsela ea lintho tsena tsohle. Empa batho ha ba E batle, batho ba sala litsela tse ling morao. 'Me nako le nako ha ba e etsa tsela e thoko le tsela ea Molimo, ba lihela khalefo ea Molimo holim'a bona nako le nako ha ba e etsa. Ho lokile.

<sup>89</sup> 'Me lintho tsena tsohle tseo ke buileng ka tsona, li re fihlisa mona, lefatše, hona hohle ho sala litšibollo tsa mahlale morao, ho sala litsibollo tsa kereke morao, ho sala lintho tse fapaneng morao ho re fihlisitse qetellong ea lefatše. Re pheletsong. Ha ho a sala tšepo ea letho. Ha re na tšepo ea ho phonyoha. Ebile ha re na le monyetla o le mong ho phonyoha. Joale e re ke e qhaqholle metsotso e 'maloa, 'me ke le kholisets e eona.

<sup>90</sup> 'Me e mong le e mong oa lona, le fumane, ha le sa etse, le tlameha ho fumana jenale ea bongaka ba meriana, le tlameha ho nka Reader's Digest, le tse joalo, moo le balang ka litšibollo tsena. Joale ho etsa...

<sup>91</sup> Moreri ea mona o romela Molaetsa oona lefatše ho pota. Ho hlahisa polelo e kang eo, ho re re hloka tšepo, ho re re tšetse moeli oa topollo, ho re re tšetse mola lipakeng tsa topollo le kahlolo, joale ke tšoanel a ho nea phutheho metheo e itseng ho tšehetsa polelo ena. Lebaka le teng leo motho, haeba kelello ea hae hlaphohetsoe kamoo ke ikhopolang kateng, a ka hlahisang polelo e joalo ka lona, ho bolella sechaba, ho bolella phutheho ea hae, ho bolella batho bao e tla ba finyella lefatše ka bophara lichabeng tse mashome a mararo kapa a mane, mohlomong, lefatše bophara, le bathong le lipuong, ho re, "re nakong ea qetelo," re tlangoa ho etsa thahiso kapa—kapa—kapa ho e hhalosa nakoana re be re fihle tlase therong ea rōna ea sehloho ea hoseng hona.

<sup>92</sup> Shebang, joale ha re shebeng seo mahlale le thuto li re tliselitseng sona, 'me ke sona seo motho a se amohetseng sebakeng sa Lentsoe la Molimo, thooletso ea mahlale. 'Me esale mahlale a tlameha ho khutlisa seo ba se buileng. Ha se khale ha ke bala seo ramahlale oa mo-Fora a se buileng, lilemo tse ka bang makholo a mabeli tse fetileng, kapa makholo a mararo, "A phikolosa bolo holim'a lefatše," le ho re, "holane bolo ena, ka lebelo lena... Hola lefatše le ka sibolla selo se ka ba mathisang bonnyane ka lebelo la limaele tse mashome a mararo ka hora, ntho e kang eo, ho pota lefatše," ho thoe o e pakile ho latela mahlale, "ho re ho latela boima ba eona e ka phahamisoa lefatšeng ke khoheli." Ua bona? Joale, le nahana mahlale a ka hlola a lebisa ho mothaka eo? Ruri lekhale. Moo ke morao koana, ho bona.

<sup>93</sup> Joale, ha re nahaneng feela joale, bohle re batla ho re, "Ke batla ho e kholisa ka mahlale." Boholo ba batho ba malumeli ba e bua joalo kajeno. Ba batla kholiso ea mahlale. Be, nka boea sekoele ka re, "Nkholise ka mahlale, Molimo kahar'a phutheho ea hao. Nkholise ka eng le eng, ka mahlale, e tilee. Kholisa!"

<sup>94</sup> Ntho ea sebele ke efe? Bophelo. Aku mphumanele bo jang kotara, kapa—kapa e re ke rekise ka sohle seo ke se ruileng, ho fumana karolo ea bophelo. 'Me na bophelo ke ntho ea sebele? Haeba bo se joalo, re mona bohle ka morero ofe?

<sup>95</sup> Bophelo, tumelo, lerato, thabo, khotsa, mamello, mosa, bonolo, tiisetso, mahlale a ke ke a e ama. 'Me ke eona feela ntho ea sebele, e hlolang e leng teng. Sehlomo sohle sa Mokreste ke ho sheba tse sa bonoeng. Empa lithokutlo ha li khone ho pepesa lintho tseo, empa li teng. Ke ka baka leo ho qosang tumelo ho e lumela, 'me e hlahisa ka ho uena seo tumelo e se hhalositseng se le teng kantle mane. E u tlisetsa eona, pholiso ea Khalalelo le ntho. Ha ba khone ho paka se folisang ka Khalalelo, empa ba tseba pholiso ea Khalalelo e teng. Ke... Ha ba khone ho kholisa se pholosang sebeng, empa ba tseba batho ba pholosoa sebeng. Ka baka leo e ke ke ea kholisoa ka mahlale, empa ha u e sheba ka tsela ea Molimo ke ho latela mahlale.

<sup>96</sup> Joale, mahlale a re tliselitse'ng? Joale, u ka tšoha nakoana. Mahlale a re tliselitse ho kula, lefu, le maloetse. Joale, u rutiloe lephako le le leng la setšoantsho. Empa maphako a sona a mabeli. U re, "Mahlale a sibolotse sena, sane, le se *seng*." Be, re tlil'o u nea monyetla oo. Empa ha re shebeng lephako le leng. Mahlale a re tliselitse ho kula. Mahlale a re tliselitse maloetse, lefu.

<sup>97</sup> Shebang! Ho futsoela tsoalo ka mahlale ho tlisitse lefu molokong, hoa lijo le lintho. Li nolofalitse batho hona, hofihlela e—e monna le basali 'mopo oa bona e le phèqèphèqè ea manyala, 'me ha ho—ha ho—ha ho molôho oa letho mono. O fetohile polokoe e nolofetseng ea hlapi-rékérékè. Ba ke ke ba phela kantle ho sepholisamoea, ba timela. Ha ba khone ho bapala beisebolo, e re e mong a kokotoe kae feela, e a 'molaea, ka lesakeng la ditebele le eng hape. 'Me ke rëbèrèbè hofihlela monna le basali, be, e a ba khopamisa.

<sup>98</sup> 'Me tsoaliso ena ba e sotëtsa makhomong ebile e hlopha batho joale, ho latela mahlale ka boona, 'me e ba fetola makhopama. Hobane, ekare ha e—e khomo e futsoetsoe, kapa lijo life li futsoetsoe, lijo tseo li bopa sele ea mali, 'me sele ea mali ke bophelo ba hao. Lea bona e entse'ng? 'Me hape, ka har'a nama, ba sotetsa liente tsena mona nameng, 'me joale ho kholisitsoe liente tsena li tšoaetsa moloko oa batho. Mahlale!

<sup>99</sup> Ba nyanyatsa masimo ka DDT, ke bone tsatsi le leng, 'me joale chabaneng sena ho ja mahe ho kulisitse batho ba makholo a robeli. Le sa hopola nakoana e fetileng mohla

ke ne ke qala, re hlomme lephephenyana mona, 'me ka porofeta, ka re, "Mehleng ea bofelo, le se ke la lula phuleng 'me le se je mahe." Ke e ngotse bukeng ea ka. Eaba ke hopola ntho e 'ngoe mabapi le hoo, 'me ka tloha ho ea e sheba. "U se ke ua ja mahe." Morao koana ka 1933. Mahe a na le ho hong joale, 'me ke bona moo mahlale a reng motho ea tlotseng mashome a mahlano a se ke a ja lehe le ka mohla, hoba ke ntho e tetebetsang pelo ka ho fetisisa e ka jeoang. Maloetse!

<sup>100</sup> Lebese, e ne e le phepo ea rōna e lekaneng. Lingaka li tla u bolella, "Sutha ho oona." A u tšoarisa mahanana le ntho tsohle. Motho eena eo o na tloaetse ho noa lebese a phele lilemo a sa tšoaroe ke mahanana, empa tsoalisano le lintho tse joalo li pshatlile molōho oa motho ebile ke nyafunyafu ea tšila feela, e polokoe—e le polokoe ea maloetse. E bakiloe ke'ng? Mahlale!

<sup>101</sup> Shebang! E fokolisitse li-genes pakeng tsa—tsa monna le mosali, bofokoli ba 'mele oa motho, ka baka la li-genes, 'me keketseho ea bana ba rutlehang e tsamaela ho mashome a mararo lekhlong. Mongolian e ja setsi habohloko. 'Me bofokoli bona ba ho futsoela lijo tse re li jelang ho phela, bo fokolisa 'mele, bo hlahisa kankere, mathata a kelello, 'me 'mele o tšabeloa ke maloetse a mefuta ka baka la bofokoli ba oona. Mahlale, ba iphèlisa, ba furalla leano la Molimo.

O itse, "Peo ka 'ngoe e bee se sa eona."

<sup>102</sup> Le bona moo re leng teng? Nka tsoelapele mocha-o-chele; nako ea rōna e a fela. Empa, lemohang, hoo ho bakiloe ke'ng? Mahlale a hlahisitse lefu, maloetse, le tsenyeho.

<sup>103</sup> 'Me ke bone tsatsi le leng, ke ntse ke qoqa le motsoalle oa ka e moholo, Ngaka Vayle ea lutseng mono, seratsoana se tlalehang batho ba bolaoa ke penisilini. Hantle-ntle hase penisilini, ke tšila eo ba e lumellang ho kena ho eona ka nako ha ba tsoakanya penisilini. Ke lenaneo la meharo, la ho fehla chelete. Ka nako tse ling lingaka tse o abang ha li tsebe le menthele oa asprini, 'me bontata bona ba ba isa koo ho fumana e—e sepeshelisi ntho e itseng, 'me ha ba tsebe le ho phekola ngoana ea jeoang ke mala. Empa re fumana'ng? Meharo, khulo e itseng, kapa nthoana e itseng. Ha ba sa fumana ngaka ea mehla ea khale ea mahaeng e neng e lula e qoqa le uena e u khothatsa le ntho eohle. Ba ntša Molimo temeng eohle, ka hobane ba setse litsela tsa bona morao. Ho ntša Molimo temeng, ba Mo hhaloselitse hole koana. Ke moo he.

<sup>104</sup> Hoo re ho entse ka ho futsoela tsoalo. U a bona, 'mele... Semela se koena ka baka la'ng, le kokoanahloko e se kena ka thata. Ke limela tsena tse neneketsoang, limela tsena tse futsoetsoeng tse u tlamehang ho li nyanyatsa kamehla. 'Me bongata ba lona le balile molaetsa oa ka mabapi le *Borapeli*

*Bo Tsoaliso*, ho 'na u se nyanyatsa u se nenesa le—le lintho tse joalo. Lemoha, semela sa makhonthe sa makoma ha sea tlameha ho 'na se nyanyatsoa, ke sa mantlha.

<sup>105</sup> Hore'ng 'mele o tšabeloa ke mahloko? Ka hobane 'mele... Ha ke bolelloa ke motsoalle oa ka ea khabane oa ngaka, ha ke batle ho bitsa lebitso la hae joale, empa ke moena ea imametseng haholo, hase khale ha a mpalla tlaleho ea bongaka ba meriana, buka e ka ofising ea hae moo a bolokang libuka tsena tsohle tse khabane le lintho tsa morao-rao tse amanang le meriana. Ke bofokoli. Aku shebe motho oa makhonthe... Ha re re 'mele oa hao o a tšerema, u tšoaroa ke sefuba ka potlako. Ke'ng? Ke bofokoli ba 'mele oa hao bo hlahisang mamina lipululaneng tsa hao. 'Me, tabeng eo, kokoanahloko ea mofikèla e ichekèla moalo ebe u tšoaroa ke mofikèla. Empa ha 'mele oo o ne o koenne, o tla leleka kokoanahloko eo ea mofikèla, e ke ke ea o ama.

<sup>106</sup> Ka baka leo, u a bona, mohla Molimo o no o bopella motho oa ho qala, o ne a sa tšabeloe ke mahloko a letho. Ua bona? Empa ho se lumele le mahlale, mahlale le thuto ke lintho tsa pele tse hlobohantseng motho ho Molimo, le joale li sa ntse li mo suthisa.

<sup>107</sup> Shebang seo lisakrete le ho noa feela, le bophepheletsane bana ba hlobolang le ba joalo, li li entseng ho oeng ha moloko oona. Ke kholoa le ipotsa khafetsa... Mona ke tlil'o etsa tlhahiso. Ke ne ke sa tl'o e etsa, empa ke kholoa ke tla etsa.

<sup>108</sup> Ua bona, ka linako tse ling baa ipotsa, ha ba phetse ho mpolella, "Moena Branham, u etsoa ke'ng—ke'ng ho 'na u thonya lintho tse kang tseo? Ha u e utloe... Ha re re u etèla kereke ea monna ea itseng, khele, nka nka bonnake batho ba basali ha ba lule ka boiketlo ha u bua. Ha u khaotse ho 'na u ba khethula, be, ka moriri oa bona o ponngoeng, le ka ho apara liaparo tsa monna, le lintho tse joalo. Hela, hobareng u etsa joalo?" Joale ke—ke—ke a...

<sup>109</sup> Oona ekaba Molaetsa oa ka oa ho qetela hofihlela lehlabula le latelang, u a tseba, empa ke batla ho le bolella. Ke ena. Ke Moea oa temoho matsatsing ana a bofelo, o tsebang hoo e le thohako pel'a Molimo. Hangata ke a ipotsa na moreri ea itseng o fumana temoho ea letho ea matsatsi a bofelo? Oona Molimo o bolelang maemo a lona kalaneng le seo le se entseng, le—le le seo u tla ba sona, le—le mathata a u apereng, oona Moea o shebang kahare ho uena 'me o khona ho lemoha lipontšo tsa nako, le joalo ha O khone ho khutsa ho hlaba mokhosi. Ke Moea oa temoho, hobane Moea o Halalelang Boona o e tlaleha e le sebe, 'me mang le mang ea nkang kabelo teng o tla timela. 'Me ebe nka lokafatsoa joang pontšeng ea Molimo, athe ke bona likhaiseli tsa ka le baena ba quauoe maemong ao, haeba ke sa hlabe mokhosi khahlano le

eona? Leha koana ba nkhalefela, ke sa tšoanetse ho kharuma khahlano le eona. Ke temoho. Ka linako tse ling ba fapana le Lentsoe le lintho tse joalo, 'me ke khaello ea moea oa temoho. Tloo u tjamelane le eona ka Lentsoe. Ua bona? Ua bona, re—re a e tseba ke 'neta. Be, ke eona, ke ho tseba hore ke 'neta. Ke temoho ea matsatsi a bofelo.

<sup>110</sup> Joale mabapi le mahlale re a bona, ha ke—ke batle ho tsoelapele ho feta moo tabeng eo, nako ea ka e lehala haholo. Joale ha re shalimeng thuto khetlo labobeli re bone seo e se entseng. Ua bona? Joale re fumana likereke tse peli tse arohaneng.

<sup>111</sup> Joale, re elelloa e ne e le hoo, e ne e le ho Bea lebaka, ho Bea mabaka ho pala ke hona ho qalileng ho theta polokoe ea sebe tabeng ea pele. E ne e le ho Bea mabaka ka'ng? Ho Bea lebaka khahlano le Lentsoe la Molimo. Mohla Molimo o no o bolella Adama le Eva, "Mohla le se jang, le tla shoa mohlang oo." Ke phetho, ke ho fela ha eona. 'Me eaba O ba hahela qhobosheane khahlano le sera, ka mora Lentsoe la Oona. Empa eareha Eva, a mamela mabaka a Satane, ua bona, setso, kutloisiso, thuto, khatelopele, ua bona, a hata a e-tsoa mono a mamela mabaka a Satane, a etse seo Molimo itseng "u se ke ua se etsa." 'Me efela ha lebaka le le leng, ho mamela lebaka le le leng khahlano le Lentsoe ho bakile tšenyeho ena eohle, lebaka le le leng khahlano le Lentsoe hape le ke ke la u khutlisetsa tulong eona eo, ekabeba Molimo o photofetse hakae ho khutlisa motho ka motheo oo A mo leleketsengng oona. Ua bona? Ua bona? U tlamehile ho tla Maling a tšolotsoeng a Kreste. Bolumeli ba hao bo ke ke ba sebetsa, le mabaka a hao a ke ke a sebetsa. Ke Mali le tsoalo, 'me E hlahisa ka ho uena 'mopuoa e mocha, Kreste, 'me u phela u latetse Kreste, hobane Chefo u e noeleng E itšupa e bolaea sebe sa ho se lumele, khahlano le hohle ntle le Lentsoe la Molimo.

<sup>112</sup> Thuto e re hlahisetsa...Hoseng hona re fumana likereke tse peli letsohong. E nngoe ke Kereke ea pentekosta e neng e hlophiso Pentekosta ke Moea o Halalelang; ea bobeli ke kereke ea Roma e Katolike e neng e hlophisoe Nicaea, Roma. E 'ngoe ea tsona ke tsoalo ea moea; e 'ngoe ke ea botho ba hlalefo. Kerekeng eo ho tsoile Maprotestanta, malumeli oohle a tsoa moo. Ebile bolumeli ba pele. Malumeli oohle a tsoa ho e le 'ngoe eo ebile a amana le eona, Tšenolo 17 e rialo, "E ne e le seotsoa 'me e le 'm'a liotsoa." Ke hantle. Ka baka leo ha ho...Ke li-ea-thoteng li bipap, ua bona, hobane e—e nepahetse, e 'ngoe feela. E hlophisitsoe, ho felile ka eona, e kene Roma. Ha ke tsoetelle seo e leng sona, ho felile ka eona! Bibele, re sa tsoa haola mengoaha eo ea kereke, ho kholisa taba eo. E 'ngoe e theiloe holim'a temoho ea moea; e 'ngoe e theiloe holim'a thuto le kutloisiso ea bohlalefi.

<sup>113</sup> Joale, hoo ho re khutlisetsa hantle Tšimong ea Edene, hantle tulong eona eo. Mosali (kereke) ke eena ea mametseng, e seng Adama, mosali! Joale ba batla ho fetoloa 'm'a kereke, tsoelang

pele! Ke hantle haholo. Ha ho letho le tsoileng nakong. Ba hlahisa maipolelo a bona, ua bona. Ua bona, ho khutlela hantle nthong eona eo, ho se lumele Lentsoe la Molimo! Mane Nicaea, Roma, mohla potso ea kolobetso ea metsi e hlhang, mabapi le litho tse ling tse joalo, le ka kolobetso ea Moea o Halalelang, e—e libishopo li kile tsa hlophisa ho bitsitsoeng kereke ea Roma e Katolike, ena e le Roma ea “borena”, ea bitsoa joalo. Ke tsoa qeta ho haola le histori maobane, le ho e mamela, ho boela ke e hlahluba. ’Me e ne e etselisoe Roma e ’notši, koana Roma e ne e le kereke ea borena. Tse ling e mpa e le likhaitseli tse nyenyane tsa likereke ho eona, ea bitsoa Katolike.

<sup>114</sup> Kereke ea rōna le eona e katolike, Kereke e ka lefatšeng, e leng e—e tumelo e ka lefatšeng lohle ea balumeli bohole. E ’ngoe e tsoetsoe ka Moea oa Molimo ’me kahar’ā Eona e ruile Moea o Halalelang, ’me e paka hoo ka Bophelo ba eona, Thuto, le motsamao, hore Moea o Halalelang o teng ka mono, hobane Ke Motšelisi eo Kreste—Kreste a mo tšepisitseng, ea sebetsang ka kerekeng ea Hae, a etsa tsona tseo A li entseng tšimolohong. Chefo ea Kreste ea poloko e sebelitse ka mokhoa oo tšimolohong. E sa sebetsa ka ho tšoana le kajeno, e hlahisa ntho e tšoanang.

<sup>115</sup> E ’ngoe ke ea kutloisiso ea bohlalefi ba bolumeli bo raliloeng ke sehlopha sa monna, e nkileng “sebopheho sa borapeli,” kamoo moporofeta a re boleletseng, “’me e latotse ’Nete ena ea Matla.” Joale, e hlakile kamoo ke tsebang ho e hlakisa.

<sup>116</sup> Joale, kereke li peli ke tseo. E ’ngoe ea tsona e tsoetsoe Nicaea; ha e ’ngoe e tsoetsoe Pentekosta. ’Me—’me e ’ngoe esale e eme khahlano le e ’ngoe. Re fetile mengoaheng ea kereke ho e kholisa, e ’ngoe e khahlano le e ’ngoe. E ’ngoe e lokile, e seriti, ke kereke e hlalefileng e ruileng makoloane a tšekehileng a thuto le tse joalo; e ’ngoe e hlopholloa e le “sekhakhatha sa bathethehi ba halalelang.” Tsimolohong e ne e le, “matahoa, boralihlapi ba sa balang,” le kajeno ho a tšoana, e sa ntse e hlopholloa maemong ao. E ’ngoe e sekametse mahlaleng; e ’ngoe ke ea moea. E ’ngoe e hlomahantsoe ka mahlale; e ’ngoe ke temoho ea moea ea Lentsoe. E ’ngoe e hlomahantsoe ka mahlale, se buuoang ke sehlopha sa banna, bishopo e hlalefileng. E ’ngoe e tsoetsoe ke Moea oa Molimo e tiile, ’me e phela ka Moea oa Molimo, ebile e sebetsa e etsahatsa Mantsoe ao Molimo a tšepisitseng. Chefo u e noeleng e a itšupa. Na u tšoere chefo ea thuto? Ana u tšoere Chefo ea Moea o Halalelang? Ua bona? Ke hantle.

<sup>117</sup> Oh, masene ao a Satane! A ka takatšobotsi e kakang, ka bohlalefi bo ka likolosang monna ea sa tsoaloang ke Moea oa Molimo makhetlo a mangata! Ebile ha ho mokhoa, ka bohlalefi, oo u ka ba khethulelang fatše. Ha ho tsela ea letho.

<sup>118</sup> Ke temoho e tlisoang ke tumelo, ua bona, temoho. Re bona seo Lentsoe le se buang, re a Le lumela.

<sup>119</sup> “Hape, Moena Branham, le bona ba itlaleha temoho.” Ha ho le joalo e re Moea o Halalelang o hlahise seo A tsepisitseng ho se hlahisa, ke hona re tla e lumela. Ua bona? Ke boo bopaki ba Eona.

<sup>120</sup> Chefo e sebelitse joang mohla E ne e qhautsa motho? “Mehlolo ena e tla tsamaea le ba lumelang,” O itsalo. Haeba Chefo e qhaulitse hoo, hoo ho itoketse. Ua bona? Ka baka leo ba re tlisetsa . . .

<sup>121</sup> Sena se re fihlisa joale, ho koaleng, metsotso e ’maloa e latelang, sena se re qalisa ho Abele le Kaine, ho isa kahlolong ea mehla ea Nooe, ho qala hona ho fihleng ha matsatsi a Nooe. Joale, pele re tšoarana le mola oa thapelo, le mamelise ke sa haola har’ a Mangolo a ’maloa mona e le nthoana—nthoana ea sehlooho.

<sup>122</sup> Rea fumana hoba lefatše le amohele kemaro ea Lentsoe la bohlalefi, banna bao ba fetohile banna ba phahameng, banna ba mabitso. Bibebe e itsalo, Genese 6:4. Banna ba mabitso ba lelekisang basali ba batle le lintho, joalekaha re fumane mokhoa oa lefatše lohle. Ke sa tsoa feta ho eona ho *Mabone A Halimang A Mafubelu*, bosiu bo bong re buile kamoo basali ba tla eketsa botle matsatsing a bofelo, kamoo monna, monna oa mabitso, mokana sekhobo sa Engelane le sa Linaha tse Kopaneng. ’Me se sa ntse se tla sibolloa le leng la matsatsi ana. Ua bona, le mpa le sa tsebe seo banana bana ba bitsoang ka fonofono le lintho tsohle e leng sona. Ua bona? Na le ne le tseba hobane limeiti tsa tamene li feta ngoanana oa sekolo se phahameng kapa ngoanana oa kholeshe ka palo ea ’ngoe khahlano le makholo a mararo? Palo ea tharo khahlano le ’ngoe ea ngoana oa tamene ho feta ngoanana oa sekolo se phahameng kapa ngoanana oa kholeshe. Lea tseba na, phesente e itseng, ha ke khone ho e bitsa joale hobane ha eo ka pel’ a ka, ha kea e ngola, empa e ka batla e le karolo ea boraro ea bana ba sekolo sechabeng e pakiloe e phela litšila kapa ea lokela ho khutlisetsoa hae ho ea pepa? Na le tsebile ho noa penisilini morero e le ho sokolla veneriale ho hlahafalitse bobolu har’ a batho, athe, ntho eo ha e a shoa? Empa leha ho le joalo, ua bona, Molimo o its e tla otla moloko oa bone. E hlahissa Mongolian le ntho ka ’ngoe ese, ’me bana ba . . . Oh, kamoo sebe, ha se le mano ho sona! Kamoo batho, bareri bao ba ka emang ba sa rere khahlano le liphepheletsane tse tsolang tseo seterateng, ba ba lumelle ho bina khoaereng, le tsohle joalo, athe re e bona e le eona ntho e isitseng sechaba sa rōna liheleng, se itseng morabe oa rōna liheleng. Ke hantle. Ka baka leo re fumana hoba Molimo a tenoe ke eona, kamoo ke lumelang e Mo khitlile kajeno . . .

<sup>123</sup> Joale ke atamela therò ea ka. Ke na le mokhoa o hlollang ho tlisa . . . Ke rata ho haha lintho tse ngata ke ntano khahlola therò ea ka. Joale, re fumana matsatsing a Nooe, mohla Molimo o tla ahlola lefatše, mohla le nyolohang le itšoanelia le hona joale, hobane Jesu o le tlalehile joatso, na O tsoteletse? Na O tsoteletse? Eena, ehlile O tsoteletse. O tsoteletse’ng?

Joale, hoba A tsebe kahlolo e tlang ho latela, 'me a se a lihile kahlolo, A tsotella bao ba tsoteletseng. 'Me le kajeno ho a tšoana. O kile a tsotella bao ba ikemiselitseng ho tsotella. 'Me re Mo fumana a ba romeletse moporofeta ho ba tataisa, ho tataisetsa batho ba Oona ba khethiloeng tseleng ea bona e hlophisisitsoeng molemong oa pholoho ea bona. Esale Eena maobane, kajeno, le kamehla. Ua bona? Re fumana Molimo a ile a tsotella batho ba Oona. [Sekheo lebanteng—Mong.]

<sup>124</sup> Re bofelong, 'me rea bona re bofelong! Mokhoa oa ho haha holim'a sebolu seo ha o eo ho hang. Re ka haha joang motse holim'a lithako tse lehōōko tsa Sodoma le Gomora? Re ka e khona joang? Ho setse tsosoloso e le 'ngoe feela, 'me eona ke ho khutla ha Morena Jesu; oh, khili, hlatsuo ka lekhathe la Matšoenyeho, ho busetsa khutlisetsa ea lefatše, bakeng sa batho ba lokileng ka pel'a sefahleho sa Molimo 'me ba phela ka Lentsoe la Oona.

<sup>125</sup> Lemohang, O tsoteletse ba tsoteleng ho phonyoha matsatsing a Nooe, 'me A ba romella moporofeta. Eaba moporofeta enoa o ba tataisetsa tseleng ea Molimo e hlophisisitsoeng. Joale, ke eona tsela ea Molimo ho sebetsa lintho. Ua bona? Molimo o buile le Nooe, e ne e le Lentsoe (e ne e se Lentsoe le ngoliloeng mohlang oo), oa laela Nooe ho haha areka ho pholosa batho, le ho hlokamelisa batho bohle hore O ne a bolokile "tsela e le 'ngoe ea pholoho." 'Me monna enoa e le moporofeta ea netefalitsoeng ea ba pakeng tsela ea ho phonyoha. Lemohang, ba ithobileng le ba tšepehang ba utloile monna enoa ba mo lumetse, 'me ba phonyohile. Ba phonyohile'ng? Lefu la lefatše la sebe le neng le tla timetsoa letsatsing leo, ba phonyohile tsela ea lefu e neng e aparetse lefatše lohle. Molimo o ile oa tsotella! (Oho Molimo, thusa sena ho thophothela ka botebo joale, pele ho mola oa thapelo.) Molimo o ile oa tsotella!

<sup>126</sup> O shalima holim'a lefatše kajeno, 'me O bitsitse 'me O bitsitse, 'me ba hanne ba furalla. Monyetla oa pako o no o le teng tšimolohong. Mohla Molimo o no o bolella Esaia ho nyoloha le bea...ho bolella Ezekiase a tla shoa, Ezekiase a baka 'me mohau oa hahisoa. Mohla Molimo o no o laela Jonase ho ea Ninive ho hlaba mokhosi, hoba O tlil'o timetsa motse matsatsing a mashome a mane, ba ile ba lla ba kopa mohau eaba ba baka. Empa ha ba e latola, ha ho letho le setseng haese kahlolo! 'Me sechaba se latotse Kreste. Ba sitiloe ho utloa mohoo, ka hona ha ho letho le setseng empa re tobane le kahlolo.

<sup>127</sup> Joale, na Molimo o tsotella bao ba bakileng? Na O ba betletse tsela? Joale re tlil'o bona seo A se entseng mehleng e fetileng.

<sup>128</sup> Mehleng ea Nooe, O tsoteletse! O rometse moporofeta, 'me A—A hlahisa tsela 'me A ba supisa tsela, 'me A ba betlela tsela ea ho phonyoha eaba ba phema kahlolo. O bile a ba tsotella.

Re Mo fumana a ba isa tulong moo Eena, matsatsing a qetelo, mono (bohle) pele kahlolo e fihla, O bile a ba tsotella hoo A ba betletseng tsela eo ba ka kenang ho eona 'me ba lokolohe likahlolong tsohle tse neng li tla latela.

<sup>129</sup> Joale, hoo O ho etselitse e—e Bakhethoa. Joale, rea tseba hoo. O etselitse Bakhethoa hoo, Bakhethoa ba 'notši, joale! E le bona ba amohetseng pelo ena ea Bophelo. E le bona ba reriloeng pele ho e bona. E ne e le bona. Rōna bohle, haeba re lumela Bibebe, re tlameha ho lumela boitherelopele. Ua bona? Ke hantle. Hase thato ea Molimo hore bohle ba ka timela, empa O tsebile ea tla E amohela le ea neng a tla hana.

<sup>130</sup> O bile a tsotella batho ba Oona ba bakhethoa matsatsing a tšenyeho ea Egepeta. Ba theohetse tlase mono Egepeta ba fetohile makhaba. Matsatsing a Moshe, O kile a tsotella batho. A ba romella'ng? Moporofeta, hape. Ho joalo na? 'Me A arola batho ba Oona lefatšeng le sa lumeleng, ho phema kahlolo ea letsatsi leo e tla latela. Na O entse hoo? O tsoteletse mohila Egepeta e qhobeletseng libe tsa eona li phahamile hofihlela Molimo a tlamehile ho romela kahlolo, hoba A se a kile a bolella Abrahama, "Me Ke 'na ea tla ahlola sechaba seo." Sebakeng sa ho lihela kahlolo ea Hae holim'a bona bohle, A ba romela paballo ea Hae. A ba romella Motšelisi oa Hae. A ba romella Lentsoe la Oona. 'Me kamehla O romela Lentsoe la Oona ka moporofeta oa Oona, kamoo A sebelitseng nakong ea Nooe. O sebelitse joalo matsatsing a Nooe. Matsatsing a Eli... a Moshe, re Mo fumana a sebelitse joalo. O ba romeletse moporofeta oa Oona, eaba ba ikhetha ho se lumeleng. Joale, ke oona mofuta o tsoang oo. Ke oona mofuta o E lumetseng. Ba lumetse Moshe, hore e ne e le... Mahlong a Faro, e le lehlanya, e le leselamosé, e le moikaketsi, e le selo se tšabehang. Empa bathong ba khethiloeng, ba tsoileng ho latela Lentsoe la Molimo ("Ke tla ba lokolla"), ho bona e ne e le moporofeta. E le tsela ea Molimo e hlophisitsoeng. Ebile hape o... Lemohang, ba mo lumetse 'me ba phonyohile kahlolo ea letsatsi leo. Ba lumetse Moshe.

<sup>131</sup> 'Me O itse O boetse a ba tsotella hoo a ba ntšitseng, O ba tsoteletse leetong la bona hoba ba tsoe. Amen. Joaleka ha e etsahetse nameng, ena e seemong sa moea. O ile a tsotella! Hobaneng? A hlahisa sohle seo ba se hlokileng ba sa le leetong. Ana O entse hoo? A ba folisa ha ba kula. A hlahisa pholiso, A hlahisa tsela molemong oa mahloko a bona. A hlahisa e—e noha ea borase, ba tle ba talime noha ea borase, papiso ea sebe, 'me ba fole. A ba fepa mohla ba leng tseleng, mohla bohobe ba leng sieo A nesa bohobe bo tsoang Lehelimong. O ba fepile. Hoo hase ho fela, empa A ba apesa, ho supa A tsotella bao ba tsotellang.

<sup>132</sup> Haeba ba ikemiselitse ho ipolela le ho baka le ho lumela le ho amohela, Molimo o a tsotella! Empa u tlameha ho tsotella pele, u tlameha ho amohela seo A u romeletseng sona. Oa ba tsotella hofihlela ba kholisehile hore ha ho letho le tla

tsamaea ka lekeke, A netefatsa moporofeta oa Hae ka pontšo ea Topallo ea Mollo, ho tsebisa batho hore hase feela monna enoa ea itsamelang mona, hore e ne e le Molimo holim'a hae, ke Eena Ea neng a tataisa tseleng. Molimo o tsotella batho ba tsotellang. Molimo o tsotella ba Mo tsotellang. Ka baka leo A netefatsa monna enoa a mo kholisa e le mohlanka oa Molimo, ka ho romela Topallo ea Mollo ho ba isa lefatšeng lona leo. 'Me ba tsebile ha feela pontšo ena ea Mollo oona, Topallo ea Lero le Mollo li ba setse morao... O "ha a ka a tlosa Topallo ea Mollo le ea Lero." A e-ena le bona lilemo le lilemo lefeelleng, lilemo tse mashome a mane. Na ho joalo? Topallo ea Mollo ea ba etella pele! Re selemong sa mashome a mararo le metso e meraro, ho setse lilemong tse supileng papiso eo e be e tšoana. Ho lokile, Topallo ea Mollo ea ba etella pele. A ba tsotella. 'Me A ba tsotella hoo A bileng a ba tsebisa feela hore—hore e ne e se 'nyee e itseng ea mahlale, e ne e se phosonyana ea horenge, empa A netefatsa Molaetsa, a O paka.

<sup>133</sup> A tsotella esita le mosali oa molata, e se Moiseraele. E se setho sa sehlopha, empa e le molata, Presebeteriene, Methodise, kapa ho hong, empa a le ka lehlakoreng le leng. Empa eareha a utloa! Lebitso la hae e le Rahaba, a phela... e le seotsoa. Empa eareha a utloa kamoo Molimo o nong o le Topallong ea Mollo o ba tsamaisa, a re e reng... a hooeletsa ho Molimo, 'me a hauhela lihloela tse tlileng ho hloela nah. 'Me ka hobane a tsoteletse eena le batho ba habo, Molimo oa mo tsotella ke hona. Hona hoo sehlola sena se bileng sa nehela Kreste bophelo ba sona, Tseleng ena, kahobane a bone pontšo ea Molimo o Mohlolo, 'me a sebelelitse melimo ea hae hantle kahar'a bolumeli ba hae. Empa enereha a bona pontšohali ena e Mohlolo, a hooeletsa a kopa mohau, homme mohau bakeng sa lelapa la hae, 'me Molimo o kile oa mo tsotella hoo mohla motse oohle o qaphanang o heleha, le leng holim'a le leng, empa le lejoe le le leng la ntlo ea hae ha le a ka la sisinyeha. O a tsotella! Leha koana e le molata, e se setho sa sehlopha seo mohlang oo, empa A tsotella. Kamehla O a tsotella.

O tsoteletse Elia mohla eena, homme eena a 'notši, a tsoteletseng Molimo.

<sup>134</sup> Allelu! E fihla hona moo. "Lahlelang lipelaelo tsa lona ho Eena, hobane O a le hlokoma." Petrose, ha a buoa le baholo ba bakhethoa, baholo ba ka har'a kereke, o itse, "Lahlelang pelaelo tsa lona ho Eena, hobane O a le hlokoma. Lahlelang sohle mono, hobane ka pel'a Molimo le hloekile. Lea—lea tsamaea joaloka bahlanka ba Molimo."

<sup>135</sup> Molimo o kile oa tsotella Elia hobane Elia a tsoteletse Molimo. 'Me bareri bohole keha ba lahlehetsoe ke pono ea letsatsi leo, ba lahlehetsoe ke thato ea Molimo le lerato la Lentsoe la Oona, 'me ntho eohle ea kena sejoaleng. Empa ho sa tsotelehe na Jesebele o ba kentse sejoaleng hakae, mofumahali

oa pele oa naha, ho sa natse na bareri ba bang ba lumeletse basali hakae ho itšoara le ho etsa. Elia a hooa khahlano le eona, ka Lebitso la Morena. A tsotella se builoeng ke Molimo, 'me eaba Molimo o tsotella seo Elia a se buileng lekhatheng leo, hobane o boletse Lentsoe la Morena. Molimo o a tsotella ha u tsotella, empa u tlameha ho tsotella pele. Ee.

<sup>136</sup> Lemohang, O tsoteletse mohla A bitsitseng Elia, ka Lentsoe la Oona, ho tsoela kantle ho malumeli. Eaka o tla tlameha ho bolaoa ke tlala, hobane a sa tl'o fumana karolo ea leshome le liabo. Empa A tsotella Elia hona, A se ke a mo lumella ho bolaoa ke tlala ka nako ha a ntse a ikokobelelitse Lentsoe la Molimo. A laela makhoaba ho mo fepa. A tsotella Elia hobane Elia a ile a Mo tsotella, 'me Eena ke Lentsoe.

<sup>137</sup> A tsotella Daniele mohla Daniele a tsoteletseng Lentsoe la Molimo ho lekaneng ho rapela ka botšepehi. Ho sa tsotolehe se boleloang ke morena, "Ha ke batle ha ho etsoa letho le kang leo," Elia a phetla liforeime a talima nq'a Jerusalema a rapela. Elia a tsotella Molimo, le—le Molimo oa tsotella Elia. Daniele a tsotella Lentsoe la Molimo, le Molimo oa tsotella Elia. A romela Topallo ea Mollo e tšositseng tau ea mo lelekela eona a hlola bosiu bohle mono. Molimo oa tsotella ka hobane Daniele a ile a tsotella. E, monghali. A rapela ka botšepehi, a tseba hobane etlaba ho lahleloa lemeneng la tau haeba a sa utloe litaelo tsa bolumeli. Empa a khumama pel'a sefetere, a sa tšabe seo motho a se buang. A phetla lifesetere hoba e ne e le molao oa Molimo, 'me a rapela ka mefehèlo le ka botšepehi ho Molimo oa hae letsatsi ka leng. A tsotella Molimo le molao oa Oona, eaba Molimo o sokoloha a tsotella Daniele le taelo ea hae, kemo ea hae. Daniele a tsotella Molimo le Lentsoe la Oona, le Molimo oa tsotella Daniele le kemo ea hae ea Lentsoe. O tla etsa hoo ka linako tsohle. Amen.

<sup>138</sup> A tsotella bana ba Baheberu mohla ba hlomphileng ka botšepehi le ho tsotella tumelo e kileng ea neoa bona, Lentsoe la Molimo. A ba tsotella hoo enereha ha ba butšoela terompeta... Ba ne ba bolokile molao o tsoang ho Molimo, "Le se ke la khumamela melimo ea bahetene, litšoantšo life. Le se ke la li khumamela la li rapela." E ne e le molao oo. 'Me enere mohla ba butšoelang terompeta 'me ho thoe "ba hanang re tla ba lahlela seboping," ba tsotella hoo ba bileng ba furalla seseto. Ke hantle. Molimo oa ba tsotella hona, hoo itseng ha lebatama le ba arubetsa, Oa theolela Monna oa bone kahar'a sebopi sa mollo mono le ho ba pholisa. A tsotella ka hobane ba ile ba tsotella.

<sup>139</sup> Haeba u batla ho tiisetsa tumeloana, Molimo ha o tsotelle seo u se etsang. Haeba u batla ho etsa seo, A ke ke a u tsotella, kaha u etsa seo motho a se buileng. Empa ha u ka itšoarella ka Lentsoe la Molimo, maipolelong a hao a tšepehang a lokileng le ho lumela hobane Molimo ke Mofolisi, eena maobane, kajeno le kahosafeleng, O tla u tsotella.

<sup>140</sup> O tsoteletse mohlang oo, O tsoteletse bana ba Baheberu, 'me Oa ba romella Monna oa bone ho ba loela, etsoe e ne e le Kreste. Re tseba seo.

<sup>141</sup> Mohla molepera a hooang, "Morena!" Ha tsoa balepera ba leshome ba hooeletsang ka mefehèlo, "Morena, re hauhele." Keha ba tsoteletse litlhoko tsa bona ka ho lekaneng, athe eena O ne a ruile matla a ho ba tsotella. A tsotella molepera ka hobane molepera a tsoteletse ho hlahisa maipolelo, a Mo bitsa "Morena!"

<sup>142</sup> A tsotella, mohla molaoli oa lekholo a tsoteletseng ho a bileng a romela ho bitsa thuso ea Jesu. Enere mohla molaoli oa lekholo a pepesang tumelo ea hae, a nyelisa liseto tsa Roma, 'me a tsotella hoo a (ka ho paka phatlalatsa) rometseng hore A bitsoe ho tla folisa mora oa hae, Jesu o kile a tsotella hoo a tlohileng ho ea mo folisa. O a tsotella haeba u tsotella. U tlameha ho tsotella pele, leha ho le joalo. O ile a tsotella.

<sup>143</sup> A tsotella mohla Jariuse a tsoteletseng Jesu ka ho lekana. E ne e le molumeli oa sekhutkhu. A lumela hore O ne a lokile, empa ka baka la kemo ea hae ea bolumeli a ke ke a hlahella a e paka, empa enereha morali oa hae a kula a e-shoa, Jariuse a tseba ke hona, a shebile lefu la morali oa hae, kapa ho pepesa tsotello ea hae, o kile a tsotella hoo a bileng a nyelisa bomosalumele bohole ba neng ba mo teetse hare, eaba o roala katibanyana ea hae ea boruti, a tloha ho ea batla Jesu. Eareha Jariuse a ipontša a tsotella, Jesu A bontša a tsoteletse ho lekanang ho tla le ho mo tsosa bafung. Lahlelang lipelaelo tsa lona holim'a Hae, hobane O a tsotella! Ho sa tsotelehe ke'ng na, O ile a tsotella!

<sup>144</sup> O tsoteletse ho lekana mohla ho seng molao o joalo, ho se letho le itsalong, A eso bue taba eo, empa A tsotella hobane mosajana eo a sitiloe ho kena moleng oa thapelo, eaba o re, "Hola nka ama liqola tsa seaparo sa Hae, ke a Mo lumela." A tsotella tumelo ea hae tabeng eo, hoo A bileng a retoloha a mo bitsa har'a letšoile, le ho 'molella tumelo ea hae e mo phelisitse. A tsotela kahobane mosali a tsoteletse.

<sup>145</sup> O tsoteletse mohla ramethapo ea bitsoang Legione a tsoteletseng ka ho lekana, tlas'a kemokhahlano, ho tsoelikana a tsoa tlas'a majoe ao a mabitla a matemona le ho tsoa a ea kopana le Jesu, 'me a namalla fatše. Mohla, Legione! Matemona ao a ka be a sa tla hola Legione a sa hatella ho tsoa ea kopana le Eena. 'Me enereha ha tsotella ho lekana boikitlaetsong boo, kemo eo ea tumelo ea hae, Jesu a tsotella ho lekana ho leleka legione lena la matemona ho eena, eaba maemo a methapo ea hae a mo lesa. O tsoteletse ha u tsotella. E, monghali. O a tsotella ha u tsotella.

<sup>146</sup> Joale, mohla monna oa sefov a na a hooeletsa khorong ea Jeriko, "Oho Jesu!" Ka ho ba Mojuda, oa Molao, setho se khabane sinagogeng. Empa eitseha a re, "Lerata leo ke la'ng?"

Ba re, “Jesu oa Nazaretha o a feta, Moporofeta.”

<sup>147</sup> Ho re, “Jesu, Uena Mora Davida!” Oh, khalemelo e kakang ho moruti oa hae le baprista ba emeng haufi. A mpa a sa tsotelle moruti, moprista, kapa seo letho lesele le se buileng, o ne a thahasella! ’Me a tsotella ho lekaneng ho boela a fumana pono ea hae, ka baka leo a hooeletsa! ’Me eare ha monna eo oa sefou a itokisitse, a tsoteletse ho lekana ho hooeletsa, Jesu a tsotella ho lekaneng ho mo folisa. Esale Eena maobane, kajeno, le hosafeleng! O a tsotella ha u tsotella, empa pele u tlameha ho tsotella. U tlameha ho paka tsotello ea hao.

<sup>148</sup> A tsotella hoo enereha mosali, ea phelang le banna ba tšeletseng, a tsebahalitse ’me a tsebile a eleletsoe pontšo ea Hae ea Messia ea temoho ea moea, A tsotella hoo A bileng a tšoarela sebe ka seng a mo fa metsi a sa tlang ho a kha mono, hobane a ile a eleloa. O itse, “Monghali, ke a lemoха hobane U moporofeta,” mohla A ne a ’molella bothata ba hae. ’Me bona, o ne a shebeletse ho fihla ha letsatsi leo, a mpile a bipetsoa ke sehlopha sa kereke, a sa ka a fumana monyetla ho e etsa. Empa mohla a na a bonang Monna Ea khonneng ho ’molella bothata ba hae, o itse, “Monghali, ke a lemoха hobane U Moporofeta. Ke a tseba Messia mohla A tlang o tla etsa lintho tsena tsohle.”

A re, “Ke Eena.”

<sup>149</sup> Hoo ho lekane! O ile a tsotella. A siea nkho ea hae ea metsi, a tloha a kena motseng, a re, “Tloong le bone Monna Ea mpoleletseng tsohle tseo ke li entseng. Na hase eena Messia?” A batla a itšoanela le Rahaba, a tsotella hoo a bileng a raosa motse oohle. A tsotella ka hobane ntho e ’ngoe e entsoe, Lengolo le netefalitsoeng le phethahalitsoe le kholisistsoe, eaba o a tsotella! A se ke a tsotella seo banna ba se buang leha mang a reng; o E bone, o na a le teng ha e etsahala. A tsotella. ’Me a tsotella batho ba habo a bolella e mong le e mong oa bona, ’me motse oohle oa lumela ho Jesu Kreste. A tsotella, ’me le Eena a tsotella. Ruri, O e entse.

<sup>150</sup> Jesu o tsoteletse Molaetsa oa letsatsi la kajeno hoo a bileng a etsahatsa lintho tsona tsena tseo A li boletseng, A ba a shoa a tsoha hape ho li romela ka Moea o Halalelang, Motšelisi, ho bontša tšebetso ea Hae kajeno A sa ntse a phela. O tsoteletse ka ho lekana. Na re ke ke ra tsotella? Ke eona taba, na re ke ke ra tsotella? O shoetse tšebetso ena. A shoela morero oa hore Moea o Halalelang o be teng mona letsatsing lena ho bontša lintho tsena. O u tsoteletse. O tsoteletse ho E tlisa mona. O tsoteletse ho hlahaha polelo. O tsoteletse ka hobane O u ratile. O tsoteletse ho lekaneng ho etsa hoo, ho romela Moea o Halalelang nthong ena, ho bopa tšebetso ena ea kajeno.

<sup>151</sup> Letsatsing leo O pakile joalo hore O a tsotella, hobane O tlela ho netefatsa seo Molimo a boletseng A tla ba sona. Mosali eo o Mo eleletsoe joalo. O itse, “Kea tseba Messia mohla a

tlang, Ke Moporofeta. Messia mohla A tlang, O tla re bolella lintho tsena.” Ua bona, O ile a tsotella Lentsoe la Molimo ho lekanang ho mo netefaletsa Eona. Amen.

<sup>152</sup> Joale O rometse Moea o Halalelang, hore letsatsing lena la kemaro ea hlalefo, A tle a kholise ka oona Moea o Halalelang ka rōna hore esale Eena Messia eo, ho e kholisa ka ho tšoana. Esale Eena maobane, kajeno, le kahosafeleng. Joale potso ke ena, na ebe u a tsotella? U nahana’ng ka eona? E fihlile e mona. E pakiloe khafetsa le khafetsa. Ana u tsotella hoo u ka e lumelang? Ana u tsotella hoo u ka ipolelang libe tsa hao, hore u phoso? Ho ipolela ho se lumele le ho e amohela. Ana u tsotella hoo u ka e amohelang? O tsoteletse hoo A bileng a shoa a tsoha, ho u tlisettsa eona. Ana u tsotella hoo u ka e amohelang. Kea kholoa e pakiloe joalo, ho qala nakong ea Nooe, ho qala morao koana ho Genese ho tsoella. Ha re na nako ea ho tšoarana le eona eohle. Empa u ka iponela hore O a tsotella, ‘me O shoeletse hore u tle u tsotelle, u tle u fumane tsela.’ Me ke Eena ea hlasisitseng tsela eo. U boletse ka nepahalo seo tsela eo e se entseng, e tla se etsa, ‘me joale ke Enoa kajeno ho e bontša e le ‘Nete. Joale, horeng e khopo ena eo re phelang ho eona, ana u tsotella hoo ho u ka khonang, ka pelo eohle ea hao, ho e lumela?

<sup>153</sup> Leha u ka tšoara mola oa thapelo kapa eng feela, hase eona, ana u a tsotella? Lahlela lipelaelo tsa hao holim'a Hae, O a u tsotella. Tsepahala ka eona. Aku tsotelle hoo u ka tsepahalang, hobane U pakile ka Lentsoe la Hae le nefalitsoeng hore U a tsotella. O tsepisitse ho Le romela, O entse hoo! O tsepisitse Lentsoeng, ke ena moo E leng teng! O a tsotella, joale ho ka thoeng ka uena? Ke hore, eka khona u tsotelle, ntho e latelang.

<sup>154</sup> O tsoteletse hoo, O tsoteletse hoo A u hloletseng sera ka seng, hoo sohle seo u tlamehang ho se etsa e leng ho tsepahala le ho e lumela. O hlotse lefu. Ha ke sa tlameha ho hlola lefu; le se le hlotsoe. Ha ke sa tlameha ho hlola maloetse; Kreste ha a tlameha ho hlola; e se e hlotsoe. Ke mpa ke tlamehile ho tsotella hoo nka e lumelang. Ana u tšohile seo motho mang a u boleletseng sona? Ana u tšohile sephetho sa hlahlolo ea ngaka? Ana u tšohile seo kereke e tla u bolella sona? Ana u tšaba ho ema mono u tjamelane, le Liabolosi? Ho re, “Ke ipoletse libe, ke lahletse sohle kathoko. Ke lumetse Lentsoe ka leng. Ke ‘na enoa, Morena. Ako bope ka ho ‘na tsotello. Ke... O ile ua ntsotella, ke a U tsotella.”

<sup>155</sup> Ke hopola thoko e monate eo ea khale, “O a u tsotella. Letšeareng kapa masiung, O a u tsotella.”

Ha re inamiseng lihlaho tsa rōna joale, re batla re sa khone ho tsoela pejana.

O a u tsotella,  
O a u tsotella;  
Letšeareng kapa bosiusg,  
O a u tsotella.

Ha re bineleng Eena, lihloho tsa rōna li inamisitsoe, le pelo tsa rōna.

O a u tsotella . . .

Re ke re shebe sohle seo A se entseng.

O a u tsotella,  
Letšeareng kapa bosiung,  
O a u tsotella.  
O a u tsotella . . .

Joale, haeba u tsotella, phahamisa letsoho la hao u sa se bina.

O a u tsotella;  
Letšeareng kapa bosiung,  
O a u tsotella.

<sup>156</sup> Ntate oa Leholimo, nakong ena eo letsatsi le phirimileng, re ipolela ho tsoa matebong a pelo tsa rōna, rea tseba ka Lentsoe joale hore esale U tsotella bao e leng ba Hao ka Sebele. Empa bothata, Morena, ana rea tsotella na? Ana re batla ho fumana thuto feela, ho re, “Be, ke tšoere garata ea bongaka, kapa—kapa LL.D.”? Hoo ke ho *tseba* Taelo, hase ho E noa.

<sup>157</sup> Molimo, kajeno kea rapela e mong le e mong a tle a nke mahlomola a Kreste a kenyé pelong ea hae, ho ipelesa kotlo ea Hae, ho elella le rōna re tlamehile ho utloa bohloko ho jara sekhobo sa Lebitso la Hae, eka khona re utloisoe bohloko. ‘Me re tšoane le barutua ba khale, ba khutlileng, re nyakaletse ho itemoha re le ba fuoeng monyetla oa ho jara sekhobo sa Lebitso la Hae. Aba sena, Ntate.

<sup>158</sup> Ke tlil’o rapella bakuli, Morena, ho ba bea matsoho holimo. Ba phahamisitse matsoho a bona, bongata ba bona, ‘me ba bangata ba tla rapelloa, ‘me ba tšoere litlankana tsa thapelo. ‘Me ba teng ka mona ba sa kenang ka nako ho fumana litlankana tsa thapelo, empa ba—ba—ba tlil’o lumela, Morena. Ba khonne ho phahamisa matsoho a bona, ho ‘na, ekare, ke phutheho eohle. Bongata ba bona bo a kula. Liluku ke tsena li robetse mona, ho utloa Boteng ba Hao bo Mokhethoa ka tlolō ea Lentsoe, ba folise, Morena. Aba tlhoko ea bona ba e etsetsoe.

<sup>159</sup> ‘Me joale ho tloha ho liluku, ho tobana le letšoele, ho bana ba batho ba lutseng mono ba sotlèha. Oh, Boteng ba Morena, Bo lumelle ho tla, Ntate, le ho ba folisa kaofela. Na U tla etsa, hoseng hona ka mohau o Mokhethoa, ha re ipolela, Morena? ‘Na mohlanka oa Hao, ke ipolela khaello ea bokhoni. Ha ke na le ntho le e ‘ngoe, Morena, eo nka U hlahisetsang eona e le mosebetsi. Ha re na tokelo. Ha ho lea mong oa rōna ea ka etsang hoo, Morena. Ha re na tokelo linthong tseo re tlil’o li kopa. Empa, Morena, rea tseba Jesu o tsamaile, o nyolohile o kene Khanyeng, ‘me teng o ntse a lokisa bolulu ho tla re

amohela ho Eena. 'Me O re boleletse A tla re romella Motšelisi, eena etlaba Moea o Halalelang, 'me O tla etsa metsebetsi ea Hae 'me o tla lula le rōna kamehla.

<sup>160</sup> Oho Moea o Halalelang, Moea oa Molimo, theohela holim'a rōna ka bocha hoseng hona, le ho netefatsa Boteng ba Hao, Morena, ka moo U sebelitseng mehleng ea leeto la Hao lefatšeng mona, mokhupi oona o tle o tsebe hobane U teng mona matsatsing ana a qetelo ho netefatsa Lentsoe la Hao, le ho kholisa ho re "joaloka matsatsing a Lota, ho tla ba joalo ho tleng ha Mora motho." Morena, ke bakeng sa tlotliso le khanya ea Hao re kopang sena, re sa ikokobeletsa Uena ka maipolelo a rōna. Re hloekise ka Mali a Hao, Morena. Re hlatsoe ka metsi a Lentsoe, le ho re hloekisa Maling. Le ho re hlahisa, Morena, re le "mehlala," kamoo Petrose a boletseng palong ea therò hoseng hona, ho lefatše le sa lumeleng. Hoba re e kopa ka Lebitso la Jesu Kreste. Amen.

<sup>161</sup> Ke tla kopa khaitseli joale ka e...le ka piano, nakoana feela. Re ka batla re le moraonyana nakong joale, empa, oh, ha ke tle khafetsa. Re mamelleng nakoana, feela, na motho mang le mang a ka lula metsotsa e 'maloa joale, re tlil'o rapella e mong le e mong. Billy, Billy Paul, o kae na-na o teng mona? Ebe u li ntšitse ho tloha kae, u ntšitse litlankana tsa thapelo? E ne e le eng? B, 'ngoe ho fihla ho lekholo. Ha re nkeng bo B ba 'maloa re bone haeba A tla re abela temoho na. Hoo ho joang? Ho bona haeba A e-na le rōna mona. Ho Mo kopa feela, lea lumela O tla etsa hoo? Ke ne ke rera me ke-ke tlotsitsoe, empa joale ke rerile ke suthile moo, u a bona.

<sup>162</sup> 'Me ha re emiseng batho. Be, re tlil'o ba rapella kaofela ha bona, le hona, re qala ka palo ea 'ngoe. Ke mang ea nkileng B, palo ea 'ngoe? Ema, ea tšoereng setlankana sa thapelo. Che, ke tlil'o ba tlisa hantle mona, ba tsoe ka mola oona ba theohe. E reng B, palo ea 'ngoe, e tšoeroe ke mang, setlankana sa thapelo sa palo ea 'ngoe? Na le re ha a eo ka mohahong? Ho lokile, re tla qala... Oh, ke masoabi, mofumahali. Ke botle, ke hantle. B, palo ea peli, haeba re se re qalile ho 'ngoe. Ha re re B, palo ea peli. E tšoeroe ke mang, na u ka phahamisa letsoho la hao joale re tle re le bone? Tloo koano, mofumahali, hantle mona. Tharo, ke mang ea tšoereng tharo? Joale a re fihliseng mola oa rōna tlase koana leboteng, rea tsamaea, kapa morao koana kae. Ka baka leo, ho lokile, setlankana sa thapelo sa palo ea tharo, ke mang ea tlang? Na ke mofumahali enoa ea tlang mona? Ha kea bona letsoho la hao, ntšoarele, khaitseli. Palo ea 'ne, ke manng ea tšoereng setlankana sa thapelo sa palo ea 'ne? Na u ka phahamisa letsoho la hao ke u bone na u mang? Monna ea morao mono, moena oa 'mala, na u ka tla hantle mona, monghali, palo ea 'ne. Palo ea hlano, ke mang ea tšoereng palo ea hlano? Lejentelemane morao mane, na u ka tla koano haeba u—u rata? Palo ea tšeleta, ke mang ea tšoereng setlankana sa

thapelo sa tšeleta, na u ka phahamisa letsoho la hao? Ka mona, ho lokile, tšeleta, monghali. Supa. Joale, hona ho tla le baballa ho hatellana. Supa, ho lokile, tloo hantle u theohele mona, supa. Joale palo ea robeli, kamoo u leng kateng feela . . . Na u ka tla, monghali? Palo ea robong. Ho lokile, monghali. Palo ea leshome. Ho lokile, moshanyana e monyenyanne.

<sup>163</sup> Re sa nahanne hoo, ntho e khabane ka ho fetisa; eitseha ke kena, bashanyana ba banyenyane, ea batla e mpolaea ho e nahana. Moshanyana e monyenyanne o na aeme mono nakoana e fetileng, a re, “Moena Branham, na u tla nketsetsa ntho e itseng?” E batla e le thaka ea mothaka enoa.

Ka re, “Ke’ng, mora?”

<sup>164</sup> A re, “Rapella ’mè oa ka.” Ho re, “O tlaela ka Lebitso la Molimo, ’me bophelo ba hae bo a nyarosa.”

Ka re, “U lula kae? Mona motseng?”

Ho re, “E, monghali.”

<sup>165</sup> A batla hore ’mè oa hae e be mosali ea lokileng. ’Me, ha ho makatse, Esaia a itse “ngoana e monyenyanne a ba tataise.”

<sup>166</sup> Palo ea leshome palo, na hase palo ea leshome? Ho lokile, palo ea leshome le motso. Ho lokile, palo ea leshome peli, palo ea leshome peli. Ho lokile, palo ea leshome tharo, leshome le ’ne. Ho lokile, leshome hlano. Leshome hlano, ha kea e bona, palo ea leshome hlano. Leshome tšeleta. Ho lokile, pota ka mane, monghali, ha u khona, leshome tšeleta. Leshome supa, leshome robeli. Leshome robeli, ha kea e bona. Ho lokile, mofumahali, kapa khaitseli, leshome robeli. Ho lokile, joale e-ea koana, mofumahali, ha u khona, e-ea koana. Joale shebang, bakeng sa mola oa thapelo, ba lekane ho ema ka nako e le ’ngoe.

<sup>167</sup> Mola oa thapelo ha o qala ho fokotseha, ua bona, ke moo Billy Paul kapa ba bang mona ho tsoa kalaneng . . . Moena Neville, Moena Neville, e re Moena Neville ka mora nakoana, ha u ba bona . . . Joale, ha le bona Moena Neville a bona mola oa thapelo o ntse o . . . o tla qhooaea joalo, hoba ke tli’lo rapella Moea o Halalelang . . .

<sup>168</sup> Joale, monna enoa, u na le setlankana sa thapelo, setulong sa bakuli, monghali? O—o—o tsoere setlankana sa hae sa thapelo. Ho lokile, joale le ka mo kenya hantle moleng oa thapelo. Joale, na motho o teng mona ea—ea—ea, u sa khoneng ho ema? Motha a ba thuse haeba ba . . . ha nako ea bona—bona e fihla, ua bona. Joale, le hopole feela, ke qala moo ke qeteletseng mono nkare ho leshome robeli kapa mashome a mabeli, kae mono, le ntano qala mashopeli—’ngoe, mashopeli—peli, le tseba libaka tsa lona le sa kena.

<sup>169</sup> Joale le a tsotella na? Lea lumela hore esale A tsotella? Lea lumela hore O a tsotella joale? Haeba—haeba A—haeba A kile a tsotella hang, O tla tsotella kamehla. Le lumela seo?

[Phutheho e re, “E!”—Mong.] Joale ke batla e mong le e mong a be le hlompho, lula sebakeng sa hao u rapele. Joale, lona ba letšoeleng, le rapele le lona. Joale, O kile a tsotella joang? Kahobane A ne a ke ke a tsotella ho feta, ’me ha ho monna kapa ha ho moporofeta, ha ho motho ea ka tšelang meeli ea mosebetsi oa Molimo o tšepisitsoeng. Na ho joalo? Joale, ha ke tsotelle joale, mohlomong o fetile mela ea thapelo halekholo, empa uena ea emeng joale le uena ea lutseng, haeba sebe se le teng bophelong ba hao, ho se lumele, se boelete hona joale. U se leke ua kena ka mona kantle le hoo. Haeba u—u ka tla mona ’me ho sa natse na monna o na a tlotsitsoe hakae, le ho ema a u bea matsoho, u tla e fosa e—e ka limaele tse lekholo pele u e lumetse. U tšoanelo ho e lumela. U tšoanelo ho e bolela. U tlamehile joalo. Ua bona, etlareha u sheba mona, kamoo ho nang le... Kea tšepa le bona setšoantšo. Ua bona? Ruri hase ntho e ka etsoang hore Molimo a se boloke Lentsoe la Oona ho uena, haeba u bolokile lentsoe la hao ho Molimo. Ua bona? Ha u e lumela u tiile, ha ho letho le ka u kenyang pelaelo. Nako, sebaka, ha ho letho le ka u kenyang pelaelo. U a e lumela. Lea e lumela na? [Phutheho e re, “E!”—Mong.]

<sup>170</sup> Joale, joale ke tlil’o sheba mola oona oa thapelo. Ho latela tsebo ea ka, ntle le monna enoa mona, kea mo tseba; ’me ke tseba hoo, ke tseba Gene Slaughter tlase mono, kea mo tseba; ntle le moo... ’me ha ke tsebe seo—seo ba se emetseng mono. Ha ke na mohopolo oa seo ba se tletse’ng mona. Molimo o a tseba. Joale haeba le tseba bohole ke sa tsebe letho ka lona, phahamisa letšoeleng la hao, lona ba emeng mono. Joale, ba bakae letšoeleng ba tsebang hore ha ke tsebe letho ka lona, phahamisang matsoho a lona. Joale ba eleloang hobane Jesu Kreste o tseba ka lona ba bakae?

<sup>171</sup> ’Me ba bakae ba ikemiseltseng ho bua sena? Ke a lumela [Phutheho e re, “Kea lumela”—Mong.] ka pelo ea ka eohle [“ka pelo ea ka eohle”] hore Jesu [“hore Jesu”] o mphekotse [“o mphekotse”] mohla A ne a thakhisoa [“mohla A ne a thakhisoa”] mane Kalvari [“mane Kalvari”]. Ke hantle. Ua bona? Joale, haeba A se a e entse, ho saletse tumelo ea hao ho e amohela. Joale, O tsoteletse ho lekana ho e etsa, na u tsotella hoo u ka lahlelang pelaelo ea hao kathoko, ’me ua e lumela? Lahlelang lipelaelo tsa lona holim’ a Hae, hobane O a le tsotella.

<sup>172</sup> Joale, ha u kula, ha u hlomohile, nkile ka bona, be, lea tseba, mashome a likete a baloang ka likete a lintho tse entsoeng ke Moea o Halalelang. ’Me le tseba seo; ba rutlehang litho, esita le ho fihla ho bafu.

<sup>173</sup> Monna o kile a oa a shoa mona holim’ a kalana, hantle ka pel’ a rōna mona, liveke tse ka bang tharo tse fetileng. Mohatsa’ e ke mooki ea koetlisitsoeng ea lutseng mona. ’Me eaba monna o a nyebella. O lutse kae-kae mona. Mohatsa’ e ke enoa o lutse mona joale, ’me—’me ke enoa holimo kae-kae

mona joale. Ee, ke enoa o eme mona hantle. Mahlo a phethoha, a rothofala joalo, hantle... a oa, 'me ka theoha. A mo hlahloba, pelo e sa otle, mothapo o sa runye. Ka mo bea matsoho holimo (o ne a iketse) 'me ka bitsa moea oa hae feela, ka Lebitso la Jesu Kreste, eaba o a tsoha. Ua bona? Ua bona?

<sup>174</sup> Ke'ng? Ke Tsoho le Bophelo. E ne e se 'na. E ne e le Motšelisi ea nkileng khato, Moea o Halalelang a re buella. Ua bona? Re Mo amohetse, joale e itšetlehile ho Eena ho re buella. Ebe ke hakae nka... Na Molimo a u pholosa khahlano le thato ea hao? Ruri lekhale. A ke ke a u folisa khahlano le thato ea hao. U tlameha ho lumela.

<sup>175</sup> Joale, hona e ka ba eng, haeba—haeba A ka paka, ha Molimo o ka ntumella ka neo e Khethehileng ho le bontša hore Jesu Kreste o teng mona le rōna, hore Motšelisi enoa ke Jesu Kreste, Ke Lentsoe. "Lentsoe le ne le le tsimolohong." Na ho joalo? "Lentsoe e ne e le Molimo. 'Me Lentsoe le ne le etsoe nama la aha har'a rōna." 'Me Bibebe e boletse, ho Baheberu 4, hore "Lentsoe la Molimo le bohale ho fetisa sabole e leolitsoeng ka nq'a tse peli, ke Mosenoli oa mehopolo ea pelo." Ho joalo na? 'Me ke seo Jesu a se entseng ho kholisa hobane E ne e le Lentsoe le tlotsitsoeng, Messia. Oh, khili! Na ha le bone seo? Messia ke'ng? Motlotsuo. Motlotsuo eng? Lentsoe le tlotsitsoeng! "'Me Lentsoe le ne le etsoe nama." E ne e le Lentsoe le tlotsitsoeng leo! U bona seo, Moena Vayle? Ua bona, Ke Lentsoe le tlotsitsoeng leo!

<sup>176</sup> Joale ha u inehela Eena, ke moo A u sebelisang ka mokhoa hlolang tsebo ea hao, ho paka hore E sa le Lentsoe le tlotsitsoeng, Mosenoli oa mehopolo ea pelo. Oh, kamoo, motho a ka belaela joang? Lumela feela. Se belaele. 'Me joale lona ba lutseng kantle mono, ke—ke tšoarana le sehloho seo hoseng hona. Mohla mosajana eo a tsoteletseng hore a ke ke a kena moleng oa thapelo, mohlomong, empa a ama moleka oa seaparo sa Hae 'me eaba O a retoloha. Le lumela seo? Lea lumela e ka boela ea etsoa kajeno? Ee. Joale, u ka e ama joang?

<sup>177</sup> Bibebe e itse Ke Moprista e Moholo, hona joale ke Moprista Moholo, ea lutseng letsohong le letona la Boholo ba Molimo, ho re buella holim'a maipolelo a rōna. Re ipolela re lumela ho Eena, 'me re batla ho ama Moprista e Moholo. 'Me ha re Mo ama, O tla itšoara joang? O seboprehong sa Moea o Halalelang. O ne a tla boela a bua a le bolella ka tsoanelo. Ho joalo na? Joale le lumele seo 'me le lule le lutse feela, le thotse, le be le hlompho me le shebelle. Joale, bonnyane haeba A ka e etsa hararo, ho tla lekana, ha ho joalo? Hararo, haeba A ka e etsa. 'Ngoe, peli, tharo, haeba A ka e etsa.

U phela joang?

<sup>178</sup> Joale, nakoana feela re sa rapela. Lea bona, hona ke, ha ke... Ena ke ntho e batlang e fapanie hona joale; esale ke rera,

'me ke ntano fetohela nthong ena. Joale, ha ke eso bitse Morena nakoana e telele, empa Morena Molimo o tseba pelo ea ka, 'me A ke a abe qelo ea hao. 'Me kea e lumela, hore O tla e etsa.

<sup>179</sup> Joale, mona ho eme mosali, ha re tsebane. Kamoo ke tsebang, ha ke eso 'mone bophelong ba ka. Mohlomong o kile a lula mokhuping o itseng kae-kae kapa a ntseba ka buka e itseng, empa Ntate oa Leholido o a tseba, kamoo ke tsebang, ha ke eso mo shebe ka mahlo a ka bophelong ba ka. Ke molata.

<sup>180</sup> Joale, haeba esale Eena, monna le mosali ke bana ba kopana mona sa Jesu a kopane le mosali selibeng, eena eo ke buileng ka eena nakoana e fetileng. O ile a mo tsotella. Joale, mohlomong mosali ha a molato oa lintho tse tšoanang le tsa mosali eo, empa phoso e teng. Empa O mo tsotella hakale kaha A entse mosali eo. Ua bona, O a tsotella. Joale, 'me eareha a e bona, a e eleloa. Joale re eme tjena bobeli ba rōna mona. Joale, ha ke eso 'mone.

<sup>181</sup> Joale, ha Moea o Halalelang o moholo, Easabonoeng, joale hola lithokutlo tsa tumelo li ka ntsebisa Eena. O tlisisit lithokutlo tsa tumelo, 'me Lentsoe la Oona le e atamelitse haufi hakana matsatsing ana a qetelo hoo A behileng setšoantšo sa Eona mono. O e atamelitse haufi-ufi le lithokutlo tsa rōna, ho tlotsa, ho tloha le ho Mo bona a kena ka mona a tsamaea ka sebopeho sa Topallo ea Mollo. Na ha A etsa hoo? Joale O teng mona, kea tseba O teng mona. Tumelo ea ka e Mo tlaleha a le teng mona. Joale holane A ka Iphetola ntho e tšoarehang hakana ka mona a ba a qhautsa bophelo ba mosali enoa, ua bona, kamoo A tšepisitseng A tla etsa. Moea o Halalelang o tla etsa oona mosebetsi A o entseng.

<sup>182</sup> Joale 'na, esale ke rera, ke batla ho buisana le uena motsotso ke tle ke bone feela.

<sup>183</sup> Joaleka ha A sebelelitse ho mosali ea selibeng, O itse, "Mphe metsi." U a tseba, E ne e le feela... Mohlomong A lutse mono a nahanne ka bona ba sa il'o batla lijo, 'me A—A tlameha ho qoqa le eena motsotso, u a tseba. A rometsoe holimo mono ke Ntate. O ne A tlamehile joalo. Eleha A ea Jeriko; 'me eaba O nyolohela Samaria, mono ke holimo koana thabeng, O ne a "hloka ho pota le mono."

<sup>184</sup> Be, ka mokhoa o itseng, ke hloka joalo, Ntate o nthomile ke tsoa Arizona, mona, 'me uena u kene. Ka hona sohle se a tšoana. Ha ho letho le hlahang tšohanyetso, le etsahala ka morero o itseng. Mohau oa Molimo, ke hantle.

<sup>185</sup> Joale, ha ke u tsebe, 'me u bonahala u koenne, 'me mohlomong ha u mona lebakeng leo. Ekaba ntho e 'ngoe. Ekaba moratua e mong, ekaba taba tsa lelapa, lichelete. Ha nka ke ka tseba, u a tseba seo. Empa haeba A ka ntlhalosetsa morero oa hao mona, u tla tseba ha e le 'nete kapa che. 'Me na letšoelie le tla lumela ka pelo e le 'ngoe? Joale le a re utloa, 'me e hatisitsoe, 'me re eme mona kalaneng feela.

<sup>186</sup> Mofumahali, ke 'mona a lelalitse hloho ea hae tjena. O jeoa, o jeoa ke lihloho tse opang tse mo hlaphang, tse kang lihloho tsa migraine. Ke lihloho tse phehellang tse tleng khafetsa. Ho joalo. Haeba e lokile, phahamisa letsoho la hao. Ua bona? Ke hantle. Ntho e 'ngoe, o jeoa ke 'metso, o boleletsoe, le hona, ha thoe ke eona ntho—ntho e u hlaphang, 'me o nepile, ke 'metso. 'Me u kopana le mathata, lintho tse phoso li ngata ho uena; methapo, ho ferekana, u a tetebela, "ka linako tse ling ke ipotsa moo ke emeng, le hore ke kahare kapa ke kantle." Me ho joalo. Ke 'nete. Joale, O a u tseba, u ke ke ua ipata joale le holane u tlamehile. Ua bona? U a lumela A ka mpoella seo uena u, na u mang? Be, Viola, khutlela hae, Jesu Kreste u a u phekola.

U a lumela na?

<sup>187</sup> 'Na ha ke tsebe. Jesu Kreste o tseba lintho tsohle. Ke molata o mong ho 'na. Molimo o re tseba bobeli ba rōna. U a lumela hore ke moporofeta oa Hae, mohlanka oa Hae? Ana u lumela lintho tsena tseo ke li rerileng ho tsoa Lentsoeng lena ke 'Nete? U etsa joale? Ha Morena Jesu a ka mpolella morero oa hao mona, u tla ntumela ke le mohlanka oa Hae. 'Me O etsa sena hobane A u tsotella. Eena, tsotello ea Hae e molemong oa hao, O etsa hoo hobane a u tsotella. O ntse a tsotella bana ba keneng moleng. O a ba tsotella. U hlahetsoe ke bothata, kotsi, kotsi ea koloi. U khohlophophile ka botlalo. Ke hantle. U na le bothata ka sephaka sa hao. Ke hantle. Se tla loka, le methapo e tla u lesa, ka hona tsoelapele u ee hae, u ntse u leboha Morena, u re, "Ho bokoe Morena!"

"Ha u lumela, tsohle li ka etsoa." Ho lokile.

<sup>188</sup> U a lumela na? Ha ke u tsebe, u molata ho 'na. Empa Molimo o a u tseba. U a lumela A ka mpolella lebaka la hao mona, kapa ntho e 'ngoe e malebana le uena? U tla e lumela na? [Mofumahali o re, "E."—Mong.] Ho na le mosali e mong. E ne e se uena, ua bona. Che, hase eona. Ke uena, mona u eme sebakeng sa motho. U emetse e mong, ke 'mè oa hao. Ke hantle. Phoso e teng ka sephaka sa hae, le eena. Ke hantle. Ha a eo mona. O tulong e kang, ho 'na ekare ea Manyesemane, ntho e joalo, sebakeng se seng tlase mona. Uena, ke hantle, u a lumela na? Ho lokile, u ka ikela. O folile. U ka ikela feela.

<sup>189</sup> Basali ba ne ba le babeli. E mong oa bona a batla a holile, ka baka leo ka—ka ipotsa na ke hokae. Ka sheba ho bona sebaka—sebaka na ke hokae. Morena Molimo o tseba lintho tsohle, ha A etse na? 'Me A ka etsa lintho tsohle. Le lumela seo? Amen. Na ha A babatsehe? Kea Mo rata. Eena, Ke Bophelo ba ka. Ke sohle seo ke se ruileng. Ke sohle seo ke se batlang.

<sup>190</sup> Tlōlō e setse mofumahali eo morao. Mofumahali e mong o lutse mono a khathatsoa ke methapo, 'me o na le lethopa tlā'sa sephaka sa hae. Na ho joalo? Eitseha a bea letsoho la hae holim'a hao, ua fihleloa ke maikutlo a hlollang haholo. Na e ne

e sa loka? E ne e le ha A u folisa. U tla phekoloa. Jesu Kreste. Mo shebeng moo a leng teng. Mosali o ne a rapela, kapa mona, ua bona. Na le mo lemohile ha a rapela, e le ha ke mo rapella, ho etsahetse'ng? Ua bona? Ke bone mosali e mong, eaba ke sheba nq'a eane. Ha hlaha maikutlo a hlollang. Ba tšoanetse ba be ba tsebana, ho hong, ho seng joalo ba amana, hoba mosali eo o ne a utloella mosali enoa mona. 'Me eaba mosali enoa o tloha 'me a mo ama, 'me, hoba a etse, ka sheba eaba ke bona ntho e 'ngoe koo, 'me ke eo o eme mono hantle. Ha ke eso bone mosali eo bophelong baka. Molimo Leholimong o tseba hoo. Oh, khili! Hobaneng u ka belaela?

<sup>191</sup> Ha u ka lumela, A ka tlosa le litloaelo ho uena. U lumela seo? U a lumela O tla u phekola? Tloha u tsamaee, 'me u tla e khaotsa hona joale 'me ha u sa tla tsuba se seng. Tloha u ikele, 'me u lumele ka pelo eohle ea hao. Eba le tumelo ho Molimo. U se belaele.

<sup>192</sup> Le ntse le lumela na? Na re se re fumane tse tharo le joale? Ebang le tumelo ho Molimo. Le se belaele. Dumelang feela. Le a lumele tlōlō e teng mona joale? [Phutheho e re, "E. Amen."—Mong.] Amen. Le se belaele. Lumelang!

<sup>193</sup> Ke tlil'o u bea matsoho holimo, le ho lumela. Ana u tla lumela le 'na 'moho? [Monna eo o re, "E, monghali."—Mong.] Ka Lebitso la Jesu Kreste, moena enoa a fole. Amen. Eba le tumelo joale, se belaele. Nakoana feela.

<sup>194</sup> Ntho e etsahetse kantle morao mono letšoeleng 'me ha kea khona ho e bona, ke morao mono hantle. Kea kholoa hona joale ke e patetsoe. Ke ena. Ke e bona ka seriti. Ke monna, 'me o jeoa ke dinerefe. Moshanyana oa hae o tšoeroe ke sethoathoa. E lumela ka pelo ea eohle, monghali. U etsa joalo? Ke eona. Ho lokile, bea moshanyana eno matsoho 'me o tla itokela. Amen. Ho bokoe Morena.

<sup>195</sup> Le ntse le lumela? Liabolosi o n'a hopotse a ka ipatela hoo, empa o hlolehile. Lea lumela na? Ntho eo e sa ntse e tsamaea kae-kae. Oh, khili, hase le mohau le hlokomelo! Sethoathoa se seng se teng mona kae-kae. Ee, ke sena hantle mona. U a lumela na? Eba le tumelo. U a lumela Molimo o a u tseba na? U ka khutlela Ohio, u hlaphoheloe, Mongh. Nelson T. Grant. Ke lebitso la hao. Ha u ka lumela, lintho tseo li tla u lesa 'me ha li sa tla u hlopha. Ha ke eso bone monna eo bophelong ba ka, ha ke tsebe letho ka eena.

Ha ho mokhoa ho uena ho e mata joale, Moea o Halalelang o teng mona!

<sup>196</sup> Ha re inamiseng lihloho tsa rōna feela re rorise Molimo. Morena Jesu, rea U leboha. Esale Uena maobane, kajeno, le kahosafeleng. Mohau oa Hao ha o hlolehe, Morena, o tšoana ka linako tsohle. Ke rapela hore lerekō la Hao le leholo le molemo li lule holim'a batho. U ile ua tsotele ho lekana, Morena, ho tla

le ho Inetefatsa. U Molimo. Uena Mohalaleli e moholo, Moea o Halalelang o moholo. Joale batho bana ba ke ba lumele, Morena, ba sa feta mona, 'me e mong le e mong oa bona a fole. Tlōlō ea Hao e sa le teng, ke robala holim'a līluku tsena. Kea rapela, Morena, U tle u abe liqelo tsena, Ntate. Aba sena, Morena, mona har'a letšoole.

<sup>197</sup> 'Me mang le mang ea ka pel'a Sefahleho se Mokhethoa joale a tsotelle hoo a tla lumela hore U tsoteteletse ho lekanang ho tsoha letsatsing la qetelo har'a batho ba Hao, le ho kholisa! U ke ke ua ba folisa, Morena, U ke ke ua etsa seo U se entseng khale. U se u ba folisitse. 'Me ntho e ka etsoang ke eona ena, ho etsa hore ba lumele. 'Me U tsotella haholo, leha re thekesela joalo har'a ho se lumele, U sa ntse u tsotella ho Ipontša u phela 'me u tsohile bafung, har'a rōna. Re ke re lahlele lipelaelo tsa rōna holim'a Hao, 'me mang le mang ea ka pel'a Sefahleho se Mokhethoa a fole, moeeng oa bona le 'meleng. Ka Lebitso la Jesu Kreste. Amen.

<sup>198</sup> Ho lokile, tloong hantle ka nq'a ena, e reng batho ba tle hantle tjena. Ho lokile, Billy na u ka ba bitsa, mokhahlelo ka mokhahlelo. Le se ke, joale le se hhole le bua, e—e tlōlō e lutse holim'a ka, ua bona. Ke batla ho 'mea matsoho Sena se sa le teng. Ua bona? Nke ke ka khaotsa temohong eo ea moea feela. Ha nka etsa... Ba tlil'o rapelloa ba bakae mona, phahamisa letsoho la hao. Ekaba ba mashome a supileng har'a ba lekholo. Ua bona? Hona joale ke metsotso e leshome pele ho 'ngoe. Tšebeletso ea kolobetso e tla latela ena. Nke ke ka khona ho e etsa, empa le ka lumela. Efela ha A tsotella hoo a ka Ipontšang, le tlamehile ho tsotella ho lekanang ho lumela. Ho joalo na? Ho lokile, letšoole lohle le ke le rapele. 'Me Billy kapa Moena Neville, e mong, o tla sebelisa tsena, o tla sebelisa maeke oona. Ha re luleng re inamisitse lihloho tsa rōna re rapele ba sa feta moleng. Joale, ke tli'o rapella e mong le e mong oa lona joale, ho le bea matsoho le ho kopa ntho eohle e le tšoereng, e leng bobe, bo tla sutha ho lona le sa feta tlas'a tuloana ena e tlotsitsoeng hona joale, haeba ke tlameha ho e bua joalo. Tlōlō morao mono e itšoanelo le mona. Empa hoo ke ho etsetsa tumelo ea lona, ho rialo. E mong le e mong a rapele joale.

<sup>199</sup> Ka Lebitso la Jesu Kreste, moshanyana enoa a fole. Amen. Molimo, ka Lebitso la Jesu Kreste, moena oa rōna a fole. Ka Lebitso la Jesu Kreste. Ke ntse ke mametse molao oa Hao, Morena. U itse, "Mehlolo ena e tla tsamaea le balumeli." Balumeli, ka bobeli ba rōna. "Ha ba bea matsoho holim'a ba kulang ba tla fola." Lebitsong la Jesu, ke etsa hona hoo feela. Ka Lebitso la Jesu Kreste, ke bea matsoho a ka holim'a moena enoa. Amen. Ka Lebitso la Jesu Kreste, ke bea matsoho holim'a moena oa rōna, bakeng sa pholiso ea hae. Amen.

<sup>200</sup> O a u tsotella, khaitseli. Ke tsotella ho bea matsoho. Na u tsotella ho lekaneng ho lumela? Amen. Ka Lebitso la Jesu Kreste, a ho be joalo khaitseli ea rōna a fole.

<sup>201</sup> Ka Lebitso la Jesu Kreste, moena oa rōna a fole. Ka Lebitso la Jesu Kreste, moena oa rōna a fole. Ka Lebitso la Jesu Kreste, khaitseli ea rōna a fole. Ka Lebitso la Jesu Kreste, moena oa rōna a fole. Ka Lebitso la Jesu Kreste, khaitseli ea rōna a fole. Ka Lebitso la Jesu Kreste, moena oa rōna a fole. Ka Lebitso la Jesu Kreste, moena oa rōna a fole. Ka Lebitso la Jesu Kreste, khaitseli ea rōna a fole. Lebitsong la Jesu, folisa enoa khaitseli ea ka, Morena. Lebitsong la Jesu, folisa khaitseli enoa oa ka. Ka Lebitso la Jesu, folisa moena oa ka. Ka Lebitso la Jesu Kreste, folisa enoa khaitseli ea ka. Ka Lebitso la Jesu Kreste, folisa khaitseli ea ka. Ka Lebitso la Morena Jesu Kreste, folisa khaitseli ea ka.

Moena, O a tsotella. U etsa joalo na? Lebitsong la Jesu, folisa!

<sup>202</sup> E mong le e mong o nts'a rapela joale, e mong le e mong a rapele. Bana ba fetang ke batho ba ha'bo lona.

<sup>203</sup> Lebitsong la Jesu, folisa khaitseli ea ka. Lebitsong la Jesu, folisa enoa moena oa ka. Amen. Ka Lebitso la Jesu Kreste, folisa enoa moena oa ka. Ka Lebitso la Jesu Kreste, folisa khaitseli ea ka. Ka Lebitso la Jesu Kreste, folisa khaitseli ea ka. Lebitsong la Jesu Kreste, folisa khaitseli ea ka. Lebitsong la Jesu, folisa khaitseli ea ka. Ka Lebitso la Jesu Kreste, folisa enoa khaitseli ea ka. Ka Lebitso la Jesu Kreste, folisa enoa khaitseli ea ka, Morena. Lebitsong la Jesu, folisa enoa khaitseli ea ka. Ka Lebitso la Jesu Kreste, folisa enoa khaitseli ea ka, moena oa ka. Folisa enoa khaitseli ea ka. Folisa enoa khaitseli ea ka, Morena. Folisa enoa khaitseli ea ka, ke rapela Lebitsong la Jesu. Folisa khaitseli ea ka, Ntate, Lebitsong la Jesu. Folisa khaitseli ea ka, Lebitsong la Jesu.

<sup>204</sup> Khaitseli, O a tsotella. U etsa joalo le uena? Lebitsong la Jesu, amohela pholiso ea hao. Lebitsong la Jesu, amohela pholiso ea hao, khaitseli. Lebitsong la Jesu, amohela pholiso ea hao. Ka Lebitso la Jesu Kreste, amohela pholiso ea hao. Ka Lebitso la Jesu Kreste, folisa enoa khaitseli ea ka. Folisa enoa khaitseli ea ka, Ntate, Lebitsong la Jesu. Folisa enoa moena oa ka, Lebitsong la Jesu. Folisa khaitseli enoa, Lebitsong la Jesu. Folisa khaitseli ea rōna, Lebitsong la Jesu. Folisa moena oa ka, Morena, ka Lebitso la Jesu Kreste. Folisa khaitseli ea ka, Ntate, Lebitsong la Jesu. Folisa enoa moena oa ka, Lebitsong la Jesu. Folisa khaitseli ea ka, Lebitsong la Jesu. Folisa khaitseli ea ka, Lebitsong la Jesu. Folisa moshanyana enoa, Lebitsong la Jesu. Folisa Moena Creech, Morena, Lebitsong la Jesu. Folisa enoa khaitseli ea rōna, Lebitsong la Jesu. Folisa enoa khaitseli ea rōna, ka Lebitso la Jesu Kreste. Ba folise, Ntate, Lebitsong la Jesu Kreste. Amen.

<sup>205</sup> Molimo a u hlohonolofatse, moena. Ke ngoana hao eo? Be, ke ne ke sa tsebe. Morena a u hlohonolofatse, moena. Folisa enoa

moena oa ka, Lebitsong la Jesu. Folisa enoa khaitseli ea ka, Ntate, Lebitsong la Jesu. Folisa enoa khaitseli ea ka, Lebitsong la Jesu. Folisa enoa moena oa ka, Lebitsong la Jesu. Folisa enoa khaitseli ea ka, ka Lebitso la Jesu Kreste. Folisa enoa moena oa ka, Morena, ka Lebitso la Jesu Kreste. Folisa enoa khaitseli ea ka, Lebitsong la Jesu Kreste. Folisa enoa moena oa ka, Lebitsong la Jesu. Ba folise, Ntate, Lebitsong la Jesu.

<sup>206</sup> Ke nyehela thapelo ea ka e mahlonoko, e mong le e mong. U a tsotella joale. Jesu o a tsotella. Jesu o rometse Molaetsa. Jesu o rometse Moea oa Hae. Jesu o rometse Lentsoe la Hae. Jesu o rometse mohlanka oa Hae. Bohle rea tsotella. Joale uena? Haeba u tsotella, e lumele, a amohele ka botšepehi, e tla etsoa. [Moena Branham o tsoelapele ho rapella bakuli—Mong.]

O a u tsotella,  
O a u tsotella;  
Letšeareng kapa bosiung,  
O a u tsotella.  
O a u tsotella,

Lahlela lipelaelo tsa holim'a Hae feela, ke hona.

O a u tsotella;  
Letšeareng kapa bosiung,  
O a u tsotella.

<sup>207</sup> Na le a Mo tsotella? Na le tsotella Lentsoe la Hae? Amen. Morena a le hlohonolofatse. Ha re inamiseng lihloho tsa rōna nakoana. Kea lumela hore ke arabetse liqelo tsena. Ke arabetse liqelo, ha ke re, e mong le e mong oa lona.

<sup>208</sup> Ke entse phoso ka kopanong nakoana e fetileng, ke kholoa motho e mong a e lemohile. 'Me Morena o sa tsoa ntšupisa nq'a e 'ngoe hona joale. Ke buile ntho mothong athe ke ne ke e bolella e mong. Ha ke khone—khone ho bona motho moo e neng e le teng, empa ke motho eo ke mo fileng lehlohonolo la motho e mong. 'Me ke... Ba ne ba feta ka potlako, 'me ke sa hlokomela. 'Me ha kea... E, e ne e le eona, kea e bona joale. Ke monna enoa le mosali ba lutseng mona hantle. Haeba ke sa fose, maobane bosiu ke tsukutlide matsoho le bona ka har'a e—ka har'a e—ka har'a phaposi ea motele, kapa ntho e itseng, ka jareteng ea motele, holimo mona JeffersonVilla. Ka bolella monna taba, ka e bitsa "khaitseli" sebakeng sa "moena," ha le ne le feta. Na le lemohile seo? Ke ne ke bolella mohatsa'o. Joale, ke nakoana a e-na le mathata, mathata a mala nako e telele. U tsoa Illinois. Mof. Mongaland, ke hantle, ke lebitso la hao. Joale, u a tseba ke ne ke sa u tsebe, empa hona joale u hokahane. U lumele ka pelo eohle ea hao, 'me e tla nyamela ka botlalo e khutlele setloaeling sa mehleng, ha u ka lumela. E le hore le bone hobane ka linako tsohle, joale ke...

<sup>209</sup> Ntho feela eo ke e tsebang, maobane bosiu ke hopola ke nahanne ka monna, ka hopola a e-na le moriri o motle, a o

phetlile mahareng, monna ea hloho-putsoa enoa ea lutseng mona. Ke mpile ka sheba, 'me keha Leseli leo le khantsitse holim'a bona ka tsela eo. 'Me e ne e le ntho eo. 'Me eaba ke bona pono. Ha kea ba tseba na e ne e le bomang hape le letho mabapi le eona. Mofumahali o na a le teng mono maobane bosiu, ke itse, "Na u tla tla tšebeletsong?" A re, "E." Empa mohau oa Molimo o boetse o e hotolotse, 'me ehlile e ne e le eena. Na u lemohile moleng oa thapelo, moena, ho builoe ntho e tšeletseng nq'a eseles? E ne e lebisitsoe ho khaitseli e seng ho uena. Hono, e ne e le eona, ho lebisoa ho—ho khaitseli mono.

<sup>210</sup> Joale hore le tle le tsebe hoo, khabareng ea mola oo oa thapelo, Lengeloi leo Morena le ne le le teng. Le ne le ka bitsa. Empa ha u bitsa, e a fokolisa, ho fokolisa, ho fokolisa. Ua bona? Ka baka leo O a le tsotella, 'me le 'na ke—ke a u tsotella. Nka be ke nkile ba bane kapa ba bahlano hape, 'me ebe, ntho ea pele ua tseba, Billy a fihle mona a ntlose sefaleng. Empa ka nahana haeba, ruri, ke—ke phetse mona le lona lilemo tsena tsohle, le ka mathoko le bophareng ba sechaba, le—le a tseba kea le rata. Oh, ke le rata joaleka bana ba ka, athe ebile le bana ba ka Evangeling. Ke le tsoaletse ho Kreste, ka Evangel. 'Me joale ke nahana, hore qelo ena mona le lintho tse joalo mona, ke li arabetse.

<sup>211</sup> Joale, kea le rata. 'Me ke ile ka nahana, hola ka tloha ka u bea matsoho, 'me u bone Moea o Halalelang o etsa hoo, ebe ho tsoha morusu nakong ea mola oa thapelo joalo. Ke ile ka e fosa, ka baka la ho feta ka potlako e kalo, 'me ke ntse ke aba lehlohonolo le leng ho ea ho le leng, 'me eaba ka mor'a kopano Moea o Halalelang o retoloha hantle 'me oa e bontsa hape. Ua bona? Ha le bone na, O a tsotella! Joale na u a tsotella? Na le tsotella hoo le ka reng, "Ho tloha nakong ea joale ho tsoelapele, ntho e teng e reng mathata a ka a felile. Ke—ke phekotsoe, ke tla phekoloa"? Lea e lumela na? Phahamisang matsoho a lona, "Ke lumela Hoo!" Molimo a le hlohonolofatse.

Letšeareng kapa bosiung,  
O a u tsotella.

<sup>212</sup> Oona ke mokete oa motonanahali feela oa lerato. Ha re e bineng 'me re tsukutlaneng ka matsoho.

O a u tsotella,  
O a u tsotella;  
Letšeareng kapa bosiung,  
O a u tsotella.

<sup>213</sup> Ke hlile ke le tšoareletse hoseng hona ebile ke—ke... Moruti oa ka ha a le rerele halelele joaleka 'na. O tla leka ho le tlisetsoa molaetsa bosiung bona, 'me re tla le tsebisa haeba ho tla ba le tšebeletso ea Sontaha se tlang tlas'a... seo sehloho. Ha ke sa khone, litšebeletso li tla tšoaroa ka mokhoa o tšoanang. Ka baka leo lona bohole, Morena a le hlohonolofatse, e mong le e mong. Ke kholoa hona joale ho tla latela tšebeletso ea kolobetso.

<sup>214</sup> Ka baka leo haeba le ka ema nakoana feela, ho qhalana. Ha re boeleng re se bine. "Lahlelang lepelaelo tsa lona holim'a Hae, hobane O a le tsotella." 'Me joale haeba u Mo tsotella, a re reng, "Morena, ke . . ." Ha u etsa tjena, u—u hlahisa polelo ena, "Morena, kea tseba U a ntsotella. 'Me ke phahamisa matsoho a ka, kea U tsotella." 'Me ha re luleng re phahamisitse matsoho a rōna joale moketeng oona oa lerato oa thatano, re sa bina.

O a u tsotella,  
O a u tsotella;  
Letšeareng kapa bosiung,  
O a u tsotella.

<sup>215</sup> Joale re sa inamisa lihoho tsa rōna, e reng . . . [Moena Branham o bobola *O A U Tsotella*—Mong.] Oh, monate oa Morena ka! Na ha le utloe lerato la Hae le u hulelang haufi le Eena feela? E re, "'Me, Morena, kea U rata. Kea U rata. U a ntsotella, Morena. U ile ua ntsotella ke sa le moetsalibe Ua ba ua nchoela. Ua tetekoa ka baka la makhopo a ka, ke folisitsoe ka maqeba a Hao."

O a u tsotella,  
O a u tsotella;  
Letšeareng kapa bosiung,  
O sa ntse a u tsotella.

<sup>216</sup> Hopola hoo feela joale le sa inamisa lihloho tsa lona. Ke tlil'o kopa Moena Edwards ka mona ho re qhala ka polelo ea thapelo. Empa, pele, ha re boeleng re e bobole. [Moena Branham o qala a bobola *O A U Tsotella*—Mong.] Hopolang, letšeareng kapa bosiung, O sa ntse a tsotella. O ile a tsotella. Lea tsotella na? E reng, "E, Morena, kea tsepisa kea tsotella. Ke tsoelapele hona joale. Ho tloha mona, kea tsotella. Ke tsotella bopaki ba ka." [Moena Branham o tsoella ho bobola *O A U Tsotella*.] "U a u tsotella." Moena Edwards.



*O A Tsotella. A Na U A Tsotella?* SST63-0721  
(He Cares. Do You Care?)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha hoseng, Phupu 21, 1963, mane Tabernakeleng ya Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)